

**Cinco año di
prison pa grupo
Venezolano den
boto cu 468 kilo di
marihuana y 104
kilo di cocaina**

Accident marduga na Bubali a laga hopi hende den scuridad



ORANJESTAD (AAN): Tabata den oranan di marduga alrededor di 3:00 am, cu un accident a keda registra na Bubali, unda cu un vehiculo a dal contra un palo di luz, y a laga e parti abao destrui.

Esaki ta un palo di luz cu ta carga wayanan di voltahe halto, y pa tal motibo personal di NV Elmar a dicidi cu e reparacion tin di wordo haci di biaha, como cu no sa ki ora e palo aki lo basha bin abao.

A dicidi na lanta hopi trahador e marduga ey, pa nan subi warda, busca ekipo na pone un palo di luz nobo. Pesey mes nan a haya nan obliga na kita coriente pa Bubali y vecindario, pa e trabao di kita waya, kita palo di luz, pone uno nobo, y rek wayanan di nobo.

Esaki a dura varios ora, y porfin te banda di 7:55 am, tur cas y negoshi a haya coriente bek.

President di Parlamento Marlon Sneek:
Tur documento di Eduard Pieters pa
bira Parlamentario oficial di PPA a
keda entrega na Parlamento

WHO ta preocupa pa e adiccion di vape entre muchacha y hobennan

**Por lo menos 15 miyon mucha entre e edadnan di 13 y 15 ta adicto*

Scol Soeur Juliette a habri su biblioteca escolar pa tur alumno



ORANJESTAD (AAN): Diabierna ultimo, Servicio Mediateca Escolar tabata invita na e apertura oficial di Biblioteca escolar di Scol Soeur Juliette. Despues di 2 año, esaki a keda cla y e biblioteca yama 'Bichi Sabi'. Servicio di Mediateca escolar a yuda cu sanering, seleccion di material y e interior di e biblioteca. Cu ayudo financiero y ayudo di tur e Quoteronan di Quota International of Aruba a logra

cu awe Scol Soeur Juliette tin un hoyo di biblioteca pa tur su alumnonan. Minister di Enseñansa sra. Gerlien Croes tabata tey pa felicita tur presente. Servicio Mediateca Escolar (SME) ta ofrece prestamento di buki gratuitamente na maestro di scol, scol y estudiante di I.P.A. Meta principal ta pa yuda scol, maestro y educadornan pa duna mucha acceso na buki pa nan por lesa mas.

Hombe hinca despues di pelea na Paradijswijk

ORANJESTAD (AAN): Dialuna atardi rond di 3'or y 15, polis a ricibi un raport di un incidente di hincamento dilanti di un negoshi den Caya Frere Bernardinus.

Inmediatamente, un patruya di Playa a sali na direccion di Paradijswijk pa investiga e situacion.

Segun e informacion inicial, tabata trata di un pelea entre dos homber, durante cua un di nan a ricibi un hinca. Ora polis a yega na sitio, e victima no tabata presente mas.

Mas laat, a confirma cu e homber herida ta un Colombiano di 30 año, y segun polis, su situacion ta stabil.

E luga caminda e incidente a tuma luga a wordo cera cu cinta geel pa permiti polis haci e investigacion necesario.



WHO ta preocupa pa e adiccion di vape entre mucha y hobennan

**Por lo menos 15 milyon mucha entre e edadnan di 13 y 15 ta adicto*

ORANJESTAD (AAN): Cigaria electronico, mas conoci como vape, tin añanan causando un ola nobo “alarmante” di adiccion na nicotina, cu miyones di mucha a bira adicto na vaping. Organizacion Mundial di Salud (WHO) a adverti dialuna.

E agencia di salud di Nacionnan Uni a bisa cu e industria ta presenta vape/e-cigaria como menos dañino compara cu cigaria tradicional, pero en realidad, e ta dirigi riba hobennan y ta haci

nan bira dependiente. “E cifranan ta alarman- te,” e organizacion ta enfatisa, cu pa prome biaha a calcula cu mas cu 100 milyon hende ta vape rond mundo, incluyendo por lo menos 15 milyon mucha entre e edadnan di 13 y 15, principalmente den paisnan di entrada halto. “Vape ta alimentando un ola nobo di dependencia di nicotina,” Etienne Krug, director di determinan- tenan di salud, promo- cion y prevencion na WHO, a adverti den un



comunicado. Tin biaha e tipo di productonan aki “ta wordo presenta como hermentnan di reduccion di riesgo, pero en reali- dad nan ta haci muchan-

an dependiente di nico- tina mas lihe y por pone decananan di progreso na peliger”, el a agrega. E cantidad di humado rond mundo a aumenta

di 1.38 biyon na 2000 pa 1.2 biyon na 2024, segun cu e poblacion mundial a aumenta.

Segun WHO, un di cada cinco adulto rond mundo ta adicto na tabaco, y e industria ta cambia su tactica pa purba tene e cantidad aki halto.

Humamento ta mata mas cu shete milyon hende tur aña, y huma di segunda mano ta mata mas cu un milyon, a pesar di campa- ñanan di concientisacion riba peliger di adiccion na nicotina y su peliger- nan den mayoria di pais.

Chauffeurnan a resulta herida

Polis a bin topa cu accident entre dos Kia Picanto na Balashi



ORANJESTAD (AAN): Diadomingo anochi den careda di 10’or polis ta topa cu un accidente serio riba e caminda di Kibaima pa yega rotonde di Balashi.


Ta asina cu poco panort di e rotonde di Balashi, papabao di ex-Drive In, e patruya a topa cu dos auto compacto Kia Picanto cu a dal contra otro. Agentenan a cende nan zwaailicht y a baha di nan patruya pa bay check.

Mirando cu tin dos dama

seriamente herida ta pidi pa dos ambulance. A pidi mas unidad di Polis pa asina a cera e rotonde, evitando tur auto pa bay direccion Santa Cruz.

Testigonan a bisa cu e Kia Picanto color cora tabata bayendo zuid cu velocidad halto. Dado momento pa un of otro motibo lo a hala na su man drechi y baha parcialmente riba tera.


Esaki a causa cu e chauffeur lo a bay maniobra pa coregi, pero lo a ‘coregi demasiado’,



y aki e ta perde control completo y ta bay dal contra un otro Kia Picanto cu tabata bayendo nort.

Dos dama a resulta seriamente herida, por a scucha con un tabata sclama di dolor. Ambulancenan cu a presenta a transporta ambos pa Hospitaal.

Polis di trafico a pidi pa departamento tecnico tambe na e lugar.



AANKONDIGING

Bij exploit van mij, Josefijn P. Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint-Maarten, Bonaire, Sint-Eustatius en Saba, en bij het Gerecht in Eerste Aanleg van Aruba, van 6 oktober 2025 waarvan een afschrift is gelaten aan de Directeur van het DWJZ in Aruba, die het origineel hiervan voor GEZIEN heeft getekend, is **ALIATA INVESTMENT LTD.**, en **K.D.B. TAX LAW FIRM**, beiden zonder bekende vestiging plaats in Aruba of elders, **OPGEROEPEN IN KORT GEDING** om op **donderdag, 8 januari 2026 des voormiddag om 08:30 uur** ter terechtzitting van het Gerecht in Eerste Aanleg van Aruba, gevestigd aan de J.G. Emanstraat nr. 51 Aruba te verschijnen, teneinde op het door **Nicolaas Ambrosio SAPUANA** ingediend verzoek te worden gehoord, welke domicilie kiezende te Avenida Alo Tromp 6 ten kantore van advocaat **mr. R.L.F. Dijkhoff**;

Josefijn P. Locadia,
Gerechtsdeurwaarder.
588-1700

Hoben Denny Leoni a perde su bida

Accident fuerte a cobra bida di motociclista riba Caya Betico Croes




ORANJESTAD (AAN): E prome yamadanan a cuminza drenta banda di 10:30 pm di Diadomingo anochi, indicando riba caminda di Caya Betico Croes for di Playa direccion Cumana, un accident fuerte a caba di socede e momento ey entre un vehiculo tipo Van y tambe un motorcycle, y cu e persona ta seriamente herida net na e pida entrada pa Cayena Mall.

Mesora Central di Polis a dirigi diferente unidad rumbo pa e lugar aki, y e prome unidad cu a yega a bin haya un motorcycle marca BMW Adventure R1250 GS color preto benta abao, y su dilanti e motociclista abao cu short cora, shirt geel, y su helm color preto. Esaki ta par di meter for di entrada di studionan di e emisora Hot 103.5 FM, net pabao di The Salon den Cayena Mall.

Central di Polis a notifica cu Ambulance tambe ta na caminda. E agentenan a yega cerca di e motociclista abao, pero no tabata haya reaccion di dje. A pidi pa Ambulance yega cu maximo urgencia.

Asina a sigui algun minuut, y e motociclista no tabata reaccionando. Un poco mas dilanti net na e parking di e emisora, a nota cu un Hyundai H1 Van blanco ta staciona cu bastante daño material na e banda robez, cerca di e chauffeur. Abao riba pida beton di parking, a nota e chauffeur di e Van, kende tambe ta muera di tin golpi na su curpa.

Ambulance a yega: Na yegada di e prome unidad di Ambulance, mesora paramediconan a core yega rondona e motociclista, pero nan no tabata nota señal vital.




E ora un otro Paramedico a yega cu aparato pa conecta pa monitor curason, y a conecta esaki. E aparato no a detecta nada di señal vital mas na su curpa, y asina a notifica Polis cu tin di bay yama Docter como cu nan no por haci nada mas pa e manehador masculino hoben benta eybao.

Polis a pidi e ora presencia di Especialista di Trafico, autoridad halto, y tambe pa un Docter wordo manda. Mientras tanto famianan di e victima a cuminza yega y a desemboca den un momento hopi tristo, caminda algun miembro di famia no por kere loke nan ta mirando cu nan wowo. Autoridad a purba di papia cu nan, y a busca personal di Bureau Slachtofferhulp tambe.

Finalmente Dr. Scholten

kende ta docter forensico a presenta na e lugar, y a constata morto di e motociclista yama Denny Enmanuel Leoni Davila, naci dia 24 November 2003 na Venezuela, pues tin 21 aña di edad. Lamentablemente el a bira e di 7 morto den trafico pa aña 2025.

Personal forensico di BFTO a yega pa asina documenta tur cos pa Especialista di Tra-



fico.


Conhuntamente cu Alto-comisario Arnhem, tambe funcionario De Mey kende ta hefe di Polis Uniforma, a bin observa e situacion y duna sosten na e lugar di accident. Un otro Ambulance tambe a yega pa atende e chauffeur di e Van. Investigacion rond di e causa exacto ta bao investigacion, y e negoshinan eybanda tin varios security camera cu lo por yuda den esaki.

Un testigo cu tabata presente, a papia cu prensa y el a bisa cu un rato prome cu e


accident a socede, el a mira e BMW R1250 GS Motorcycle aki ta moviendo den e area di rotonde di Dadelstraat. Aki e Motorcycle a bay direccion west, y a stop na Tarabana Food Center cu ta situa pa ort di caminda net 200 meter pariba di e lugar di accident. No ta conoci si acaso e motociclista a cumpra algo of no, pero despues a sali bay west direccion Cayena Mall unda el a accidenta.

Tanto DIARIO y tambe Cuerpo Policial ta manda palabla di profundo condolencia na famia di e fayecido.





Awo cu 2 florin mas, bo por gana e **MEGA PLUS**
*** Afl. 410.000,-**
*** Afl. 310.000,- + Afl. 100.000,-**
 extra



HUNGA AWO



Benta ta sera 7:30 pm y sorteo ta hunga 7:45 pm

President di Parlamento Marlon Sneek:

Tur documento di Eduard Pieters pa bira Parlamentario oficial di PPA a keda entrega na Parlamento

ORANJESTAD (AAN) Den entrevista cu Matutino DIARIO, Presidente di Parlamento, señor Marlon Sneek, a confirma cu Parlamento a haya tur e documentonan cu señor Eduard Pieters mester a entrega y tur carta di Consejo Electoral, pa wordo atendi den Reunion Publico, awe Dialuna pa 11'or di mainta.

El a agrega cu ora cu Parlamento caba cu e parti aki, si tur documento ta na ordo, tur informacion ta wordo manda pa Gobernador, y ora ey Gobernador ta pone un fecha pa huramenta señor Pieters ken lo bira e Parlamentario oficial, representando Partido PPA den Parlamento.



cial, representando Partido PPA den Parlamento.

Marlon Sneek a indica cu e carta cu señor Otmar Oduber a manda pa Parlamento, ta informando cu e no ta tuma su retiro pa 1 di October mas, sino cu dialuna 6 e ta tuma su retiro oficial, pesey Parlamento a tuma e documentacion di señor Pieters y mester a tene e reunion publico, unda nan a revisa esakinan pa wak si tur cos ta na ordo, pa nan informa Gobernador p'e huramenta señor Pieters. Esaki ta e unico cambio cu tabata tin den Parlamento na e momentonan aki.

Minister Wyatt-Ras durante firmamento di cooperacion:

'Nos adultonan mayor ta un parti esencial di un sociedad sostenibel y humano'



ORANJESTAD (AAN): Directie Ouderenzaken (DOZ) y Departamento di Agricultura, Cria y Pesca (Santa Rosa), den presencia di Minister di Salubridad, Asuntonan Social, Cuido di Adulto Mayor y Maneho di Adiccion, señora Melvin Wyatt-Ras y Minister di Finansa, Asunto Economico y Sector Primario, sr. Geoffrey Wever, a firma un acuerdo di cooperacion pa uni forsa pa promove bienestar di adultonan mayor na Aruba.

ticipacion activo di adultonan mayor den sociedad, y fortifica e lazo intergeneracional, pa asina e sabiduria, experiencia y balornan cultural di nos grandinan keda bibo den comunidad y sigui inspira e futuro di nos pais.

Minister Wyatt-Ras a enfatisa cu e acuerdo ta representa un paso importante den e promocion di un estilo di bida activo y inclusivo pa e grupo di adulto mayor. E cooperacion aki ta habri caminda pa iniciativanan cu ta stimula actividad, alegria y sentido



di comunidad. "Nos adultonan mayor tin conocimiento y experiencia balioso cu ta fortifica nos sociedad. Nan a traha duro pa forma nos pais, y nan merece biba un bida digno den un comunidad inclusivo, sostenibel y humano." Pa medio di e acuerdo, DOZ y Santa Rosa lo colabora riba diferente proyectonan cu ta uni movimiento, naturalesa y comunidad. Entre esnan den desaroyo tin: (*) Fiesta den Hardin: un actividad anual y inclusivo pa adultonan mayor na Santa Rosa, caminda alegria, naturalesa

y encuentro social ta central. (*) Hardin rond di casnan di cuido: pa crea un ambiente

trankil, agradabel y saludabel na casnan di cuido, caminda adultonan mayor por ta activo y relaha den contacto cu naturalesa. (*) Proyecto di pesca pa adultonan mayor y hobenan: pa uni generacionnan pa preserva tradicion y conocimiento local di piscamento. E acuerdo di cooperacion ta reforsa e colaboracion entre gobierno, institucionnan y comunidad pa promove bienestar social y salubridad — pa un Aruba mas fuerte, mas saludabel y mas humano.



Oproeping:

Oproeping: De griffier van het Gerecht in Eerste Aanleg van Aruba roept hierbij op:

- **VAN BOJE, Aneliese H.G.**, zonder bekende woon- of verblijfplaats, om op **dinsdag, 16 december 2025 om 08:45 uur** voor de rechter in het Gerechtsgebouw in Aruba to verschijnen, voor de mondelinge behandeling in verband met een door NEUMAN, Gwendoline Margaret ingediend ontslag bewindvoerderverzoek AUA202502849 EJ.

de Griffier;
C.B. Orman

Accident fuerte na Sero Alejandro a laga motociclista den situacion critico




ORANJESTAD (AAN): Diadomingo anochi den careda di 9'or, autoridad policial a wordo informa di un accident serio di vehiculo ATV (conoci como 'quadracer') riba e caminda di Sero Alejandro.

Patruya di San Nicolas mesora a mobiliza pa e area, y aki Polisnan a bin topa cu un quadracer gebolter e manehador riba suela y un cura di cas ki-bra.

Mesora a pidi pa ambulance, mirando cu e situacion di e manehador ta serio y ta considera e accident uno grave.

Un testigo a papia cu prensa, y el a splica cu e tabata bin di pariba, esta riba e caminda di Savaneta y el a mira e motociclista na altura di Lydia's Kitchen cu e quadracer. E momento ey por a mira cu e motociclista lo por tabatin problema cu e quadracer.


Algun rato despues e testigo bayendo su cas, pasando riba e caminda di Sero Alejandro mester baha velocidad, debi cu e quadracer a pase cu velocidad halto. Despues e ta mira cu e manehador a accidenta y tabata muera



hopi serio.

Paramediconan cu a presenta mesora a cuminsa traha cu ne, y tabata bisto cu urgentemente e mestre yega Servicio di Emergencia na Hospital. Asina Paramediconan a pidi polis pa escolta nan pa Hospital, debi cu e situacion di e manehador a empeora rapidamente.

Polis na su turno mester a tene tur e camindanan druk unda e ambulance mester a pasa cera un rato, pa asina



e por a yega Hospitaal mas lihe posibel. Pues den un situacion critico e manehador a yega Hospitaal.

Aruba Fair Trade Authority y Regulatory Authority Curaçao ta bay traha hunto

ORANJESTAD (AAN): Tanto Aruba Fair Trade Authority (AFTA) y Regulatory Authority Curaçao (RAC) a firma un protocol di cooperacion pa uni forza den e supervision di suministro di awa y electricidad.

Cu e protocol aki, ambos

organizacion regulador ta bay di acuerdo pa colabora mas estrechamente via di intercambio di conocimiento, informacion, y experiencia. Tambe a logra acuerdonan encunto training hunto, coremento di stage na trabao, y tene reunionnan periodicamente. E meta di tur esaki ta pa reforza e calidad y eficacia di e supervision na ambos pais.

"Door di comparti nos experiencianan y apoya nos mes mutuamente, nos por responde miho riba e retonan cu nos ta confronta den sectornan di energia y servicionan di utilidad," ta loke Curt Belfor a bisa, kende ta director general di RAC. Tambe drs. Roly Sint Jago,



president di Raad van Bestuur di AFTA, ta enfatiza e importancia di colaboracion: "E acuerdo ta brinda nos e oportunidad di siña uno di e otro, y construi hunto un marco regulatorio stabil y transparente pa Aruba y Curaçao."

E acuerdo di cooperacion ta uni na e ambicion mas amplio di ambos autoridad di promove e cooperacion regional y contribui asina na e desaroyo economico sostenibel den e parti Caribense di Reino.



AANKONDIGING • aaknummer: AUA202501349AR

Bij exploit van 6 oktober 2025 van de deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint Maarten en van Bonaire, Sint Eustatius en Saba, en bij het Gerecht in Eerste Aanleg van Aruba, waarvan een afschrift is gelaten aan de Directeur van de DWJZ op Aruba, die het origineel voor GEZIEN heeft getekend, is: **DE ERFGENAMEN VAN WIJLEN LABAN JOHN POPE**; allen zonder een bekende woon en/of verblijfplaats in Aruba of elders, **WEDEROM-OPGEROEPEN**: om op **WOENSDAG, ZEVENDE (7^{de}) JANUARI 2026**, des voormiddags niet later dan 09:00 uur; ter terechtzitting van het Gerecht in Eerste Aanleg van Aruba, gevestigd aan het adres J.G. Emanstraat nr. 51 op Aruba, te verschijnen teneinde op het door **Shirley Merlin Pope en anderen 7 eisers genoemd in bijbehorende verzoekschrift**, allen domicilie kiezende aan het adres L.G. Smith Boulevard 50, ten kantore van de advocaat mr.G. de Hoogd (James Martin Associates), ingediend verzoek te worden gehoord.

De deurwaarder B.R. Roos

Quota y FEPOH a bishita scol pa duna charla y test di oido



ORANJESTAD (AAN): Pa prome biaha e organizacion, Quota Aruba, den colaboracion cu Fundacion FEPOH (Fundacion pa esnan cu problema di Oido y Habla) a bishita Colegio Nigel Matthew y Colegio Arubano.

Durante e bishita aki, nan a ofrece charla informativo riba importancia di cuida pa

bo oido y tambe a haci test di oido na alumno.

E actividadnan aki a ricibi hopi interes di banda di e estudiante, cu tabata hopi interesa pa siña con por cuida su oido y tuma un rol activo den su bienestar. E testnan di oido ta un yudansa pa detecta trempan cualke problema cu por ta presente y tabata un oportunidad importante

pa conscientisa e hovenan riba salud auditivo.

Quota Aruba ta sigui comprometi cu su mision pa aumenta conscientizacion den comunidad, y specialmente entre e generacion hoben, tocante salud di oido. E campaña di educacion y test lo sigui den otro scol y comunidad den futuro.

Hues a baha exigencia di Fiscal

Cinco año di prison pa grupo Venezolano den boto cu 468 kilo di marihuana y 104 kilo di cocaína

ORANJESTAD (AAN): Hues di Corte di Prome Instancia a baha e exigencia di Fiscal di 7 año di prison na 5 año di prison pa e hombernan Venezolano J.B.R., J.J.P.G., A.H.A. y R.J.G., kendenan a worde haya culpabel di posesion di un lote grandi di marihuana y cocaína.

Fiscal a exigí 7 año di prison pa e grupo: Luna pasa tratamiento di e caso a tuma lugar caminda Fiscal a muestra cu Guarda Costa a intercepta e boto dia 23 Februari 2025. A confisca 23 bulto di droga. Investigacion a muestra cu e bultonan tabata consisti di 468 kilo di marihuana y 104 kilo di cocaína.

Fiscal a exigí pa tur cuater sospechoso 7 año di prison. Tambe el a exigí pa e boto cu 12 jerry can di gasoline keda confisca.

Sentencia: Diabierna mainta, Hues a dicta sentencia den e caso aki. Hues a bisa cu e ta haya legalmente proba cu e grupo aki a importa un lote di droga. Hues a muestra cu e abogado a bisa cu tabatin fayonan haci y mester declara Fiscal no admisibel. Hues ta rechaza esaki. Hues su conclusion di e caso ta cu tur e 4 acusadonan a worde hiba cu cara tapa pa un boto cu 572 kilo di droga.

Hues a bisa cu e boto ta chikito y mirando e cantidad di droga, e 4 acusadonan mester por a wak esaki. Hues ta haya cu e 4 acusadonan mester por tabata sa cu tin un carga ilegal a bordo. Na opinion di Hues, viniendo Aruba cu e boto, e acusadonan a tuma e chens cu nan ta



forma parti di transporte di droga.

Pa cu e castigo, Hues a bisa cu e ta tene cuenta cu droga ta malo pa salud di hende. Mirando e cantidad di droga, esaki tabata destina pa vende. Droga ta bay compaña cu criminalidad. Hues

tambe a tene cuenta cu ta promer biahá cu e grupo aki ta cay den man di husticia.

Castigo: Hues a sigui bisa cu e ta tene cuenta tambe cu den Corte, e grupo a laga muestra cu nan no sa di nada y no kier a tuma

responsabilidad. Hues a bisa cu e no ta haya proba cu e grupo tabata importa droga sino cu e grupo tabata den posesion di e cantidad di droga. Hues a condena nan tur na 5 año di prison, kitando e tempo cu nan ta cera den KIA.

Pa eherce control mas frecuente na casnan priva di cuida pa grandinan

Parlamentario Gino Goeloe lo acerca Minister di Salud pa IVA haya dos inspector cu mester cu urgencia

ORANJESTAD (AAN) Parlamentario di Fraccion di FUTURO, Gino Goeloe, a sigui splica cu di tur e casnan priva pa cuida di nos grandinan, IVA a traha un rapport cu ta muestra cu no tur e casnan aki ta cumpli cu cierto exigencianan estableci den e Ley cu a pasa na año 2012, bao minister Schwengle e tempo ey.

“Di e rapport ey nos tur sa cu no tur e casnan aki, ta cumpli cu cierto exigencianan y den e caso aki e tema number uno ta un enfermera profesional y no tur e casnan aki tin un enfermera profesional trahando pa nos grandinan, den e caso aki cu sa di remedi, cu sa si tin catheter, cu sa si e pasient haya un stroke of atake di curazon kico e



tin cu haci. Bo mester ta profesional y entrena pa trata cu hendenan asin'aki.

“Den e caso aki mi a acerca e director di IVA y mi a bis'e cu nos mester bishita e casnan aki mas frecuentemente, tur luna y den e caso aki sin aviso. E director a bisa mi cu e kier haci'e sigur y cu e ta haciendo esaki caba, pero por hacie frecuentemente pasobra e tin fal-

ta di personal. El a menciona cu e falta dos persona cu HBO nivel pa haci e control aki, pues inspectornan cu por haci bishita y mi a bise cu mi ta bay papia cu e minister concerni señora Wyatt-Ras, pa nos duna IVA e dos personanan aki tambe, p'asina aki nos por garantiza e controlnan no ora tin keho so, pero regularmente”, Parlamentario Gino Goeloe a señala.

Chauffeur Kamil E. ta admiti: “eigenlijk ta amstermester a asesina Peter R. de Vries”

AMSTERDAM: E Polaco Kamil E. durante e caso den Corte Superior a admiti cu ingelijik e tabata esun cu mester a asesina Peter R. de Vries.

E lo a wordo paga 80.000 euro pa haci esaki.

Na final el a rechasa e oferta.

Sinembargo, door cu e tabata sa mucho di e plan di asesinato, e mester a core e auto di escape riba e dia cu a mata De Vries.

El a indica cu el a wordo menasa cu si e no core e auto, e mes tambe lo wordo likida.

En total e Polaco tabata na Amsterdam 7 biaha den e simannan prome cu e asesinato di De Vries na Juli di 2021.

Durante 3 di e bishitanan aki na Amsterdam, el a wak e periodista di crimen cana, el a conta na corte di Schiphol Dialuna cu extra seguridad. Su bishitanan a wordo mira riba camaranan di seguridad, pero te cu Dialuna Kamil E. a nenga cu tabata e riba e grabacionnan.

Awor el a admiti cu locual el a declara prome tabata mentira.

Ken ta esun cu a duna e opdracht pa e asesinato el a bisa cu e no sa y el a indica cu e no kier papia mas di esaki.

Na final K.E ta esun cu a hiba Delano G. pa Amsterdam den auto y eyan G. a tira De Vries mata.

Tanto E. como chauffeur como tambe G. como e asesino di e periodista den corte di prome instancia a haya un castigo di prison di 28 aña.

“Mi no ta inocente pero un castigo di prison di 28 aña pa un chauffeur ta mucho hopi”, E. a declara den corte.

Un otro acusado, Konrad W. tambe a dicidi di no keda keto mas.

Den un declaracion cu el a lesa durante e caso di apelacion, el a admiti cu e tambe a wordo pidi pa fungi como esun pa likida



De Vries.

Esey el a tende ora cu el a dreña auto, na caminda pa un ‘trabao’.

Den e auto tabata tin ar-

manan di candela y el a haya un celular.

El a cay den panico, pero na caminda pa Amsterdam el a haya tende cu e likida-

cion lo no sigui.

Nan a dicidi cu e asesinato lo sosode e proximo dia y K.W a bay cas cu un arma di candela.

“Mi a dicidi mesora cu mi no ta bay mata ningun hende”, segun K.W.

El a splica cu pesey el a inventa un motibo pa no mester comete e asesinato. K.W a bisa cu e lo no comete e acto, pasobra e no tabata tin un silenciador pa pone riba e arma.

Den e simannan cu ta bin tin 9 homber cu ta den Corte Superior pa e caso

di asesinato di Peter R. De Vries.

Locual ta wordo verwacht ta cu Ministerio Publico ta bay purba logra pa duna 3 di e sospechosonan un castigo di bida largo.

E asesino Delano G. y a chauffeur Kamil E. ambos a ricibi 28 aña di castigo.

Esun cu a regla e asesinato Krystian M. den corte di prome instancia a haya un castigo di prison di 26 aña.

Di e 9 sospechosonan e tempo ey 3 a wordo declara liber di tur acusacion.

Velocidad halto a laga SUV completamente destrui

Accident pisa na Saliña Cerca a laga tres hoben herida



ORANJESTAD (AAN): Diadomingo anochi den careda di 11:00 pm, Central di Polis a core dirigi patruya di Polis di Noord rumbo pa area di Saliña Cerca pa un auto cu a bolt-e.

Ora cu Polis a yega na e lugar cu ta Saliña Cerca 26, a bin nota cu no ta trata aki di un auto, sino un vehiculo tipo SUV Toyota Rav4 cu number A-12704, y casi no por a kere nan wowo. Pasobra di e Rav4 aki color preto, casi nada a resta di dje.

Aki mesora a pidi pa Vehiculo di Rescate di Cuerpo di Bombero, y tambe diferente unidad di Ambulance, debi cu den e vehiculo tabata tin 3 hoben.

Testigonan a splica cu e vehiculo aki tabata bayendo zuid cu un velocidad super halto. Poco mas pa zuid di Wacamaya Appartements, chauffeur a perde control riba su stuur, y e vehiculo a bay na su man robes. Den e scual aki, e




vehiculo a bay halto y bay termina contra un vehiculo tipo Van di e compania DG General Maintenance cu tabata staciona pafu di e oficina. E Toyota tabata gekenter, y casi tur e dak y body a dobla.

Debi na e impacto aki, e Toyota Rav4 a keda completamente destrui, tur hende ta bisa cu ta un milager cu e hobennan a scapa di morto.

E hobennan tabata herida, pero tabata papia y por a comunica tanto cu bomberonan, polis y Paramediconan. Varios ambulance a presenta pa transporta nan pa Hospitaal.

Na e lugar, mayornan di e



hobennan a presenta pa pone nan mes na altura di locual a sosode. Polis ta investigando e accident fuerte aki.

Accident serio na Hato

Dama den Toyota Yaris a bay dal riba Truck cu tanki grandi di Arugas

ORANJESTAD (AAN): Unidatnan di Polis como tambe vehiculo di rescate di Cuerpo di Bombero a wordo manda Dialuna mainta trepan pa caminda di Tanki Flip pa Pos Abao, debi cu un truck cu tanki grandi di Arugas a haye involvi den un accident di trafico.

Ta asina cu e Ford F-650 truck cu number TR-63 coriendo e momento ey di Hato bayendo direccion di Pos Abao, a haye confronta cu un auto sedan Toyota Yaris cu number A-62689 color shinishi bayendo pariba. Na stuur tabata tin un dama, kende segun declaracion di personanan eybanda, lo a pega soño na stuur.

Esey a pone cu su auto a cumenza hala mas na man robey y drenta den e via contrario, net ora cu e Truck grandi ta yegando. Chauffeur di truck a



trata na maniobra halando na banda robey pa evita lo peor, pero asina mes e Toyota Yaris a sigui y sin primi brake a dal na bumper, wiel, wantalodo,

y step di banda drechi di e Ford Truck, pa despues bay cay parcialmente den e greppel banda panort di caminda. E parti dilanti di e Yaris a keda comple-



tamente destrui den e impacto aki, mientras e truck a haya minimo daño.

Polis cu a yega a solicita pa Ambulance tambe yega cu urgencia, y a pidi pa Brandweer bin cu Vehiculo di Rescate, pa por saca e dama cu tabata tin dolor. E porta banda di e chauffeur no kier a habri, y a warda riba e profesionalnan di Bombero pa habri esaki.

Segun extra informacion, e dama a caba di traha un warda di anochi y lo tabata basta cansa y cansancio posiblemente a pone cu e

la bay soño tras di stuur. Polis ta check e teoria tambe cu kizas el a bira malo, y pesey su pia a primi trot y no por a controla mas. Tambe tin e teoria cu kizas solo fuerte di e mainta trepan ey a 'blind' e temporalmente cu e no por mira e caminda bon.

Despues cu e la wordo saca di e auto, Paramediconan a estabiliza e chauffeur, y despues a sali cu urgencia cu ne pa Servicio di Emergencia na Dr. Horacio Oduber Hospitaal.

Parlamentario Dangui Oduber:

Mientras pueblo ta warda pa alivio no tin caminda mas pa pueblo sconde pa sla di prijs



ORANJESTAD (AAN): E pueblo aki a ser priminti pa tanto Partido AVP como Partido Futuro cu e situacion financiero pa famianan lo bira miho. Nan a bisa cu nan lo mehora e poder di compra, cu NO lo tin inflacion y cu tur prijs nan Aruba lo baha. Ta fresco den nos memoria con minister Geoffrey Wever a bisa cu frishidernan na Ar-



uba ta bashi y cu e lo percura pa yena e frishidernan back.

Awe despues di 7 luna e realidad ta otro. Awe un tin caminda pa sconde pa prijs mas na Aruba. E situacion no a cambia y es mas e situacion a bira pio. Unda cu bo bira tin aumento di prijsnan explosivo. Ningun prijs na Aruba a baha, costo di bida no a ser mehora y poder di compra ta keda bay atras. Minister Wever a bisa cu

e ta traha riba un "koopkrachtmodel" pa mehora e poder di compra pero pueblo si no tin pasenshi mas pa warda ki dia e modelo aki lo keda cla.

Tur dia pueblo ta sinti efectonan di prijsnan na Aruba. Tarifa di awa no a baha, tarifa di coriente no a baha, prijs di gasolin NO a baha, prijs di diesel no a baha y no papia mes di prijsnan den supermercadonan. Si tanto AVP como Fu-

turo a bisa durante eleccion cu Aruba tabata caro, awor e situacion a bira pio! Tin un aumento explosivo di prijsnan tur caminda.

Canasta basico: E productionan den canasta basico mes experienciando aumento explosivo di prijsnan. Awe pueblo ta worde castiga cu medida pa minister Wever. E propio minister Wever aki e regala pueblo un regalo di san valentino pa aumenta e prijs di gas residencial cu 30% pa un compania cu a gana 13 milyon Florin. Ta insolito cu te awe e no kier duna cuenta, e no kier bin parlamento y no kier corigi e decision aki cu ta perhudica miles di hende cu ta bende cuminda na Aruba pa sobrevivi.

Prijs di lechi a subi cu 10% siendo lechi ta den canasta basico. Unda minister Wever ta pa controla productionan den canasta basico??

Prijs di koffie a subi cu 10% y minister di inflacion man crusa? Awe koffie ta costa 17.25 Florin.

Prijs di 1 kilo di galiña a subi cu di 5.75 pa 8 Florin, un aumento di 40% y minister Wever drumi morto na soño ta ronca.

Prijs di 500 gram beef cutsmall a subi di 14 Florin pa 18.04 Florin.

Placa simplemente NO ta yega esnan mas vulnerabel den comunidad. Nos ta mira cu gobierno tin surplus di 500 milyon Florin, ta invertiendo milyon den infraestructura, den edificacion pero ta lubida e hende.

Nos fraccion ta sumamente preocupa cu e situacion explosivo di aumento di prijsnan na Aruba y nos ta mas preocupa ainda cu tin un gobierno cu no tin vision y no tin plan holistico con pa percura pa un miho calidad di bida pa nos hendenan.

Eduard Pieters di PPA:

'Restructuracion salarial di maestro ta un lucha di hopi aña y hopi promesa sin cumpli'

ORANJESTAD (AAN): Despues di ricibi hopi yamada y mensahe di maestro cu ta expresa nan frustracion, Eduard Pieters, miembro activo di PPA, a dicidi pa elabora riba e historia doloroso di e lucha pa yega un na restructuracion salarial husto. Esaki ta un lucha cu tin mas di un decada ta andando, unda 5 gobierno a sinta y priminti, pero niun a cumpli.

Historia di salario di maestro: Despues di Status Aparte, den 1990 a implementa un Landsbesluit Bezoldiging Onderwijspersoneel (LBBO), pa ordena salario segun tipo di enseñansa y akte. "Pero realidad a bira desmotivante: maestro cu yega edad di 38 aña, por sigui traha, pero ta yega na su plafon, perspectiva y oportunidad di aumento di salario," Eduard a elabora. Den un profesion cu ta exige tanto entrega, motiva-



cion y pasion, esaki sigur ta algo inaceptabel y inhusto.

Protesta 2008: "Ken no ta corda e protesta masal di 8 siman na 2008? Hopi maestro a pone trabao abou pa simannan largo y a manda un mensahe cla p'e gobierno di e tempo ey: basta cu wega politico cu nan futuro. Nan tabata cansa di promesa y a exige accion y respet.

Promesa di 2009 cu no a cumpli: E eleccion di 2009 a yega, AVP a gana cu un mayoria absoluto y manera hopi maestro mes a expresa, nan tabata yena cu speranza, cu awor si nan lo haya restructuracion di salario.

Sin embargo tur cos a keda na un promesa di eleccion. Ta te casi final di gobernacion, Minister Dowers a instala un ekipo y a hinca un "functiehuis" den otro. Functiehuis ta un plan pa rebalora e funcion y salario di maestro y simplifica e escala. Pero, finalmente nada concreto a keda ehecuta.

Na 2015, Minister Hooyboer a traha riba mesun tema y hasta a presenta un nota pa implementacion. Promesa di mantene BRA y implementa un Landsverordening Functiehuis Onderwijs tabata riba mesa. Pero na final di dia, e cambio real mes cu tanto tabata anhele, no a yega.

Gobernacion tras gobernacion: Segun Eduard Pieters: "Di 2009 te 2025, cinco gobierno a pasa: AVP, MEP-POR-RED, y atrobe MEP-RAIZ. Tur a instala comision, tur a saca nota, pero ningun a entre-

ga resultado real y asina nos a yega 13 aña mas leu. Mientrastanto, maestro cu master of HBO no ta haya ningun reconocimiento y tin alrededor di 600 maestro cu gobierno actual kier duna nan 3.49% di aumento so cu ta refleha falta di balor y respet cu nan merece".

Finalmente Pieters a subraya cu ta nos maestronan ta e arkitecto di futuro di nos isla. Ta di lamenta cu 5 gobierno a pasa y ainda e maestronan ta wardando riba un promesa sin cumpli. Esaki ta considera como un falta di respet y Eduard ta kere cu e lucha mester sigui y cu e maestronan no mester rindi. "Ta ora pa trata nan cu dignidad y respet. Sin maestro motiva y hustamente trata, Aruba no tin futuro, Eduard a termina bisando.

Reflexion

Observando Dia Mundial di Salud Mental

E poder di para keto, tuma un pausa y sosega

Den e tempo druk cu nos ta aden, pa ta druk hopi biaha ta sinti manera un premio. Nos ta wordo alaba pa ta multifaceta, pa pusha mas apesar di cansancio, pa nunca para keto. Nos ta midi exito segun tur loke nos alcanza pa haci y no pa con bon nos ta cuida nos mes, nos salud, incluso nos salud mental. Pero tras di e movecion constant aki, tin un berdad peligroso, ora nos lubida di 'para keto', nos ta cuminsa perde nos mes.

Na Aruba, nos sa bisa hopi biaha "Bay trankil", "Bay poco poco". Pero cuanto di nos di berdad ta bida segun e dichonan ey? Cuanto biaha nos ta duna nos mes permiso pa bay poco poco? Pa para keto?

Nos ta biba den un comunidad caluroso y alegre, pero, tin un presion silencioso, pa ta semper fuerte, pa hari hasta ora nos ta kibra paden, pa sigui move sin importa nada. Pero, kico ta pasa si nos a lubida loke fortaleza ta berdaderamente? Forsa real tin biaha ta nifica pa haci lo opuesto: para keto, hala rosea y permiti

bo mes pa descansa, duna bo mes un pausa.

Un pausa no ta debilidad. E ta un reset. E kiermeen pa hala un rosea grandi ora cosnan ta sinti pisa. E kiermeen hala stapnan patras, no pasobra nos ta debil, sino pasobra nos ta inteligente. E kiermeen pa permiti nos mes un tempo pa sosega, sabiendo cu sosiego no ta e opuesto di exito, e ta parti di exito.

Un pausa no ta un señal di flohera. E ta un reset. E ta duna nos sistema nervioso espacio

pa relaha. E ta duna nos curason tempo pa calma. E ta duna nos alma un momento pa alinea di nobo.

Un pausa no ta tempo perdi. E ta e cuminsamento di curacion. E ta duna claridad. E ta e caminda unda cu paz ta bin bek na nos.

Dia Mundial di Salud Mental ta recorda nos pa revisa, no solamente ortonan, pero nos mes. Pa puntra nos mes, Mi ta OK? Pa corda cu nos no mester gana nos derecho pa para keto, tuma un pausa y



E poder di para tuma un pau y sosega

Cargamento di cocaína descubri den cahanan di flor na Ecuador



QUITO: Polis di Ecuador a confisca 38 kilo di cocaína cu tabata scondi den Cahanan di Flor, cu tabata cla pa wordo transporta cu avion rumbo pa Inglaterra.

E operacion y descubrimiento a tuma lugar den e area di Air Cargo na Aeropuerto Mariscal Sucre na Quito, unda tabata haci control rutinario riba mercancia cu tabata ser prepara pa exportacion.

Cu yudanza di cachonan anti-droga, nan a logra detecta cu tin substancia sospechoso den cuatro caha cu flor cu tabata rumbo pa London. Cu

autorizacion di Fiscal, a habri cahanan aki y bin descubri cu ta cocaína tin scondi den nan,

Polis a bisa cu e droga cu a wordo confisca, tin un balor aproximado di un milyon Dollar Mericano, y cu un persona a keda deteni pa wordo investiga.

Ecuador ta wordo considera como e di 3er pais unda mas droga ta wordo confisca, despues di Colombia y Merca. Desde 2021 nan ta confisca como 21 ton pa aña, aunque na 2024 nan a kibra record cu casi 300 ton.

Parlamentario Shailiny Tromp-Lee:

Den henter Reino Hulandes embehecimento ta un reto awor y pa futuro



ORANJESTAD (AAN): Durante e ultimo reunion di IPKO (Interparlementair Koninkrijksoverleg) un tema hopi importante cu a keda trata ta: ‘*vergrijzing*’, es decir cu nos sociedad ta bira mas bieu. Esaki ta pasa den tur pais di Reino Hulandes: Hulanda, Aruba, Corsou y Sint Maarten.

Kico ta vergrijzing?
Vergrijzing ta e situacion

caminda tin mas hende bieu den e sociedad. Na Hulanda esaki a pasa pasobra tin un bahada grandi den e cantidad di baby cu ta nace pa aña for di añan 70. Hende ta biba mas largo tambe, cu ta contribui cu e grupo di hende grandi ta sigui crece. Na Aruba e panorama aki sigur ta similar, asta tin experto ta papia di ‘*dubbele vergrijzing*’ na Aruba.

Durante di IPKO a keda presenta na nos kico por pasa den futuro? E proyeccion ta muestra cu den e proximo añanan lo tin mas hende grandi y menos hende hoben. Esaki ta algo cu ta keda premira pa ful Reino. E situacion aki sigur ta bay sigui pone mas presion riba nos servicio publico manera cuido di salud, pensioen y trabou. Na Aruba ya caba nos ta sinti e impacto cual ta bay sigui aumenta. Pesey nos mester prepara nos mes miho como pais y ta dirigi pa continuamente ahusta maneho unda esaki ta necesario y ta cla pa reacciona riba desaroyonan calcula.

Na IPKO a trata tambe kico nos por haci?

Segun e discusion den IPKO, tin algun medidan-

an cu por yuda. Sigur ta na su lugar pa nos inverti mas den nos sistema di salud pa por atende cu un poblacion cu ta birando mas bieu. Alabes mester cuminsa discuti e posibilidad pa duna nos hendenan grandi mas chens pa sigui traha si nan ta desea y percura pa e condicionnan laboral necesario pa haci esaki posibel. Mester percura pa elimina mas cu ta posibel e obstaculnan existente cu ta limita esaki. Otro sugerencia cu a keda presenta ta pa stimula cu nos Arubiano, Yiu di Korsou y San Marteen cu ta biba na afo, por bolbe pa yuda y traha na nan pais. Algo cu pa hopi aña e islanan ta purbando pero cu aparentemente tin factornan cu ta stroba e regreso di nos hendenan. Por imagina riba debe di

estudio, bon trabou y cu un bon salario, bida familiar ya ancla na Hulanda etc. Pa finalisa mester subraya cu a keda presenta cu ta sumamente importante y esencial pa nos (sigui) colecta datonan necesario riba demografia pa nos por planifica miho nos futuro y ta miho prepara.

Conclusion

E fenomeno di ‘*vergrijzing*’ ta un reto pa nos tur, pero tambe un oportunidad. Si nos traha hunto, inverti na ora y busca solucion creativo, nos por sigura cu e sociedad di mañan ta keda fuerte y sostenibel. Tin hopi trabou pa haci ainda riba e tereno aki na Aruba, ta keda na Parlamento pa percura pa Gobierno atende ‘*vergrijzing*’ como un prioridad.

Minister mr. Gerlien Croes papiando di eficiencia y capacidad pa carga digitalisacion den gobierno



ORANJESTAD (AAN): Ministerio di Innovacion a tene un reunion importante na oficina di DIMAS cu meta pa traha un base cla pa implementacion di E-Government. Na e reunion tabata presente: sra. Ruiz-Paskel directora di DIMAS, sra. Luidens di directora di CENSO, sra. Dijkhoff-Pita di DEZHI y tambe sr. Bill Kuipers.

Hunto cu miembronan di Stuurgroep Digitalisacion, Informatisacion y Automatizacion (SDIA) di parti di Ministerio di Innovacion, sr. Kuipers a elabora riba e rapport di ICTU di cual e ta e

persona encarga. Un rapport, cu ta describi varios di e desafionan cu por tin den e proceso di implementacion pa cu E-Government, entre otro: Fragmentacion den infraestructura y sistema, Diferencia grandi den madurez digital entre departamento, Falta di flex-capaciteit pa proyectonan grandi, Necesidad urgente pa kaders, richtlijnen y standardisacion. Considerando e preparacionan profundo cu ta andando pa cu implementacion di E-Government, a mira e importancia pa dialoga riba e



rapport aki y su consehonan, mirando cu ta trata eficiencia, capacidad interno y un maneho integral ora ta trata ICT infraestructura y desaroyo. Na e reunion, e departamento y expertonan a pone enfasis riba: Standardisacion y protocol pa compra y desaroyo di software/hardware pa evita fragmentacion. Test di seguridad anual/bi-anual pa yega na un nivel di “digital resilience” mas halto. Creacion di un CIO y un

CISO nacional, manera ICTU a recomenda, pa lidera innovacion y seguridad na nivel di pais. Flexpool di experto pa asisti departamentonan cu experticio specialisa (data governance, cybersecurity, API development etc.). Capacity building: formacion continuo pa empleadonan, mirando rol nobo den interoperabilidad y seguridad digital. E departamentonan presente a muestra gran interes y compromiso. Ta mas cu claro cu

siguridad digital ta fundamental, mesun manera infraestructura fisico, pa proteha dato di ciudadano. Tambe a sali na cla cu cooperacion cu partnernan externo lo yuda Aruba sigui mehora practicanan mundial. Ministerio di Innovacion ta gradici tur departamento pa su participacion y ta pone enfasis cu E-Government ta un paso esencial pa un Gobierno mas transparente, eficiente y sigur – un cambio cu lo trece beneficio directo pa pueblo di Aruba.

En conexion cu 47 aña di celebracion Departamento di Cultura Aruba

Plaza Hubert “Lio” Booi a wordo reinaugura durante un bunita ceremonia

ORANJESTAD (AAN): Den cuadro di celebracion di su 47 aniversario, Departamento di Cultura Aruba (DCA) a organisa un emotivo evento pa reinaugura Plaza Hubert “Lio” Booi, ubica na Universidad di Aruba, banda di Maria Convent. E ceremonia a conta cu presenciamia di Sr. Hubert Booi, Minister di Cultura, director di Departamento di Cultura Aruba, partnernan cultural y invitadonan kenendenan a rindi homenahe na e figura iconico Hubert Q. (Lio) Booi (1919), co-compositor di nos Himno Nacional *Aruba Dushi Tera* y tambe e prome director di Instituto di Cultura Aruba.

Hubert “Lio” Booi tabata un poeta, pintor y promotor cultural cu un amor grandi pa nos idioma Papiamentu. El a defende y enriquece nos cultura door di su poesia, obra teatral y texto di cancion. Como un promotor incansabel, el a lucha pa cultiva e spiritu di pueblo Arubano y a dedica su bida na desaroyo y educacion cultural di e isla. Su legado ta biba den su obranan literario y den e cariño pa cultura local cu semper a sembra y cosecha.

E programa a cuminsa cu canto solem di nos himno nacional, dirigi pa Sra. Maybellyne Arends-Croes y interpreta pa coro Melange. E prome orador tabata drs. Siegfried Dumfries, director di DCA, kende a duna palabranan di bon bini y a gradici un y tur pa e sosten brinda 47 aniversario di Departamento di Cultura Aruba y cu pa e departamento ta un honor di por contribui na e desaroyo cultural di pais Aruba. Despues a sigui cu palabranan di minister di Asuntonan General, Cultura, Medio Ambiente y Naturalesa, mr. Michiel Eman, kende a comparti su reflexion riba importancia di preserva y celebra nos identidad cultural.

Un momento di gran emocion tabata e “Oda Profundo na Hubert ‘Lio’ Booi: Ta Ken E Ta”, dirigi pa Jhon Freddy Montoya y narra pa Rachel Kraaijvanger, cu a uni baile, poesia, pintura y musica den



un presentacion multidisciplinario. Participantenan tabata: Adriana Cereste, Munye Oduber, Lizienne Maldonado, Antonieta Ras Booi, Hubert Ras, Hubert Thiel, Grupo di Baile Ro-sea Cultural y Fundacion Dabariuba.

E acto central di anochi a tuma lugar cu desvelo di e relief dedica na Hubert “Lio” Booi, den presenciamia di directeur di DCA, Minister di Cultura, Rector di Universidad di Aruba Sra. Sue Ann Lee y yiu di Hubert “Lio” Booi, Antonieta Ras Booi y demas invitado. Tambe ta gradici artista Maritza Erasmus cu a traha e relief di Hubert “Lio” Booi, cual a wordo inaugura 30 di september 2003 y ayera tabata tin su reinauguracion despues cu e area aki na Universidad a conoce un renobacion. Despues publico a gosa

di un presentacion musical bou di guia di e maestro Johnny Scharbaay, cu un repertorio di musica en bibo interpreta pa Rignald “Papito” Rafael, Humphrey Solognier, Mario Middendorp, Robert Thiel y coro Melange, cu tambe a inclui Antonieta Ras Booi. Departamento di Cultura Aruba ta gradici di curason na Universidad di Aruba, Grupo di Baile Ro-sea Cultural y tur artista y colaborador cu a contribui pa e presentacion cultural di gran nivel. Un palabra di gratitud tambe ta bai pa tur esnan cu a presenciamia e evento.

E ceremonia a finalisa den un ambiente di socialisacion y musica, marcando un celebracion digno pa 47 aña di DCA y su compromiso constante pa honra y preserva nos cultura y patrimonio.



Eduard Pieters di PPA:

'E ora ta awor y PPA lo defende un trato husto pa nos maestronan'

ORANJESTAD (AAN): No tin duda cu nos maestronan ta e wes'i lomba di nos sociedad. Nan ta forma, guia y motiva e generacion cu lo hereda Aruba mañan. Y sin embargo, despues di mas di 13 aña ta warda riba promesa sin accion, ainda nan ta sin un restructuracion salarial husto.

Pa fraccion di PPA y Eduard Pieters, esaki ta un prioridad nacional y e ora ta awor!

Restructuracion husto y necesario: E 'rechtstrekking' cu sindicato y comision a logra finalmente ta cla: no mas discriminacion segun tipo di enseñansa, sino salario igual pa tur cu tin un estu-

Salario husto no ta solamente un tema di placa. Ta un tema di motivacion! Den tur pais di region, inversion den maestro ta clave pa calidad di enseñansa. Si Aruba no trata maestro cu dignidad, calidad di nos enseñansa lo sigui sufri. Sin maestro motiva, nos a debilitando nos futuro y sistema di enseñansa.

Promesa cu ta dura hopi aña: Di 2012 te 2025, cinco gobierno a trata e tema, pero ningun a duna un resultado final. Tur gobierno a instala comision, tur a saca nota, pero nada a cambia.

Den programacion di PPA, reconocimiento y restructuracion salarial di maestro ta un punto central y di prioridad pa partido PPA. "Nos no por sigui traha riba base di promesa politico. Nos mester implementa. PPA ta compromete pa sigui presiona pa un plan di implementacion concreto y mas pronto cu ta posibel, pa un sistema cu finalmente ta motiva maestro

pa sigui profesionalisa nan mes pa mehora calidad di enseñansa di Aruba," Eduard a subraya.

Un yamada pa union: "Nos ta bisa cla: maestro no ta pidi favor, nan ta pidi pa husticia, respet y balorisation. E comunidad mester uni atras di nan. Tata, mama, studiantenan, sindicato y nos politiconan, tur mester reconoce cu sin maestro, Aruba no tin futuro. Eduard Pieters ta yama pa un union fuerte, pa finalmente duna e respet

y balor cu nos maestronan merece.

Pa conclui Eduard Pieters a expresa: "Nos mester stop cu wega politico y promesa sin cumpli. E maestronan ta luchando ya pa mas di 10 aña y nan merece respet y dignidad. E temponan di awendia y e retonan social emocional cu nan ta deal cu ne den klas diariamente, no ta manera antes. Pa fraccion di PPA, e lucha aki no ta un opcion, e ta un prioridad. Y e ora ta awor!"



dio di nivel HBO. Esaki ta e husticia basico cu centenares di maestro ta wardando riba dje. "Ta inhusto cu un maestro cu nivel di Master, cu a inverti aña di estudio, haciendo sacrificio, ta termina su

nivel di Master y ta bay para back den klas, sin por haya un Florin di aumento," Eduard a duna como ehempel di un situacion actual cu no ta motiva maestronan sigui profesionalisa.

Comentario

Culto na bo ego

E malesa scondi di Siglo XXI

Skirbi pa: Mercedes Monge

Tin momentonan cu mi ta sinta reflexiona no solamente riba mi bida, locual mi tin di gradici Dios, mi mes, loke mi a aporta na e formacion personal, mental y spiritual di mi yiunan, cu mi miho intencion como mama, pero conciente cu mi no ta perfecto y tambe reflexiona tocante locual mi lo no a desea di pasa aden den mi trayecto di bida pero cu, pa cual motibo cu sea, mi no por a logra di evita. Pero mi ta contento si, di no ta un hende ego-centrico ni egoista.

No solamente mi ta pone atencion na mi propio actitud, sino na e actitud di hende cu di un of otro manera mi a, of ta topa, den e caminda di bida, tanto conoci como ahenos na mi, y esnan cu ta worde yama, y ta sinti nan mes "celebridad". Hopi cu via un pantaya di television mi ta mira y "conoce" algo di nan, por ehemplo den farandula cu ta un tema cu mi gusta sigui. Pero e impresion cu mi tin ta cu awendia hopi persona ta rindi culto na nan mesun ego, na nan mesun imagen via selfies, tin biaha na un forma obsesiona pa sali "perfecto". No ta por nada tin psikiatranan cu ta papia di "selfitis obsesivo", cu nan ta considera un forma di expresa nan desacuerdo cu nan mes fisico.

Awendia hopi deportista, politico, personanan cu tin un puesto di halto rango, modelonan (hende muher y hende homber) pero tambe hende comun, ta exterioriza un quote grandi di presuncion di loke nan tin of kizas ni tin; di algo cu a logra, y ta sinti nan mes merecedo di, no solamente elogio, pero di tur distincion cu duna nan reconocimiento di tur hende, ohala den publico y riba "Tapijt Cora".

Tin ambicion den bida ta algo hopi positivo, no ta un delito ni un pica, e ta un derecho, pasobra tur avance den bida ta hiba su sacrificio personal den dje, su lucha, su talento, anhelo di logra metanan bon y esey ta admirable; pero ora e bira motibo pa humilia otronan, di pronk, cuanto placa, poder y/of luho bo tin pa tur hende sa, ta ora bo mesun ego ta domina bo esencia: e ta ora hende ta rindi culto na su ego, y ta loke varios psicologo ta yama "e malesa secreto di siglo XXI" cu ta contagiando e mundo.



Bombero cu urgencia pa check candela na un cas na Tibushi



ORANJESTAD (AAN): Diadomingo anochi, tanto Cuerpo di Bombero y tambe unidad di Polis di Noord a mobiliza cu urgencia na e parti noordwest di Aruba, especificamente den area di Safir, unda lo tin un cas na candela.

Ora a yega e adres tabata den Tibushi. Pero no tabata trata di un cas, aunke berdad a mira cu tin huma saliendu.

A resulta cu tabata un palapa patras di e cas cu pa un of otro motibo a pega candela. Brandweer a paga

esaki, evitando lo peor. Durante e emergencia, a pidi Elmar tambe pa yega y kita e coriente pa evita cualkier shock electrico na

oficialnan di Bombero ora di paga candela.

Kico a kima e Palapa exactamente, no ta conoci.



Arte y Talento a domina den Ban Bek Caya diabierna ultimo

ORANJESTAD (AAN): Diabierna a tuma luga Ban Bek Caya edicion Arte y Talento. Centro di ciudad un biaha mas a yena cu bida y e biaha aki cu un caya adicional. Wilhelminastraat tambe a forma parti di e evento/iniciativa aki, caminda cu comerciantenan ta pone schouder hunto cu gobierno pa trece movecion den Caya Grandi bek.

For di tempran a cuminsa mira movecion, tiendanan cu orario adapta, diferente establecimiento cu mesa y stoel pafo pa asina brinda nan servicio den un manera diferente. Ademá tabatin musica y entretenimento den tur skina, mientras cu mas y mas hende tabata yegando.

Edicion #4 di Ban Bek Caya tabata concentra riba Arte y Talento, caminda por a mira cu cada Plasa

a brinda espacio na musica, declamacion y hasta debate di nos hobennan di Parlamento Hubenil.

For di comienso y riba henter e ruta por a tuma nota tambe di nos artistanan local, riba Steelpan como e Cahanan di Orgel cu a hala masha hopi hende y atencion. Hopi ta e bishitante nan cu a probecha di filma y saca potret cu nan.

Ban Bek Caya edicion 4

tabatin un surtido hopi amplio di cuminda pa tur hende y e bandanan a deleita tur presente durante di e anochi di compra. E comerciantenan a keda cu porta habri pa benta te final. Esfuerzo di tur partner ta di sumo importancia pa sigui crece e iniciativa aki y ta gradici e sosten di tur cu ta forma parti di dje.



Columna E Sembrado



Diamars 7 october. Di bintishete siman den tempo ordinario aña2025 Ciclo C
La Birgen di Rosario (Alto Vista)

Lectura: Echonan 1,12-14;
Salmo: Lucas 1, 46-55;
Evangelio: Lucas 1,26-38;

Ata sirbi do di Señor; laga sosode cu mi loke bo a bisa".
Lucas 1,38

"E angel a bisa Maria cu e ta yen di gracia" cual ta nifica cu bono ta yen digracia pe momento nan ey sino SEMPER PERMANENTE. Desde cu mama Maria a nacee no por a haci pica. Gen. 3,15Dios a haci un promesa di pone un enemistad entre e muhe y e colebra. E muhe aki ta mama Maria. Pa por tin un enemistad entre Maria y e malvado, por solamente paso cu nunca Maria a comete un pica. Maria ta sin pica. Kiermen Maria tambe tabatin mester di un Salvador, Hesus ta su Salvador. Paso mama Maria ta bira mama di Hesus desde delanta Dios Tata tin'e den su gracia. E ta un obra maestro di Dios. Si Dios por a haci asina tanto cos pa mama Maria, imagina bo kico mas Dios ta capaz di haci pa bo tambe. Mama Maria ta tende nos oracionnan y conocenos manera Dios conoce nos. Mama Maria su bariga ta contene:

1. Palabra cu a biracarni: Hn. 1,14
2. Berdadero pan di cielo: Hn. 6,51
3. Sumo sacerdote eterno Hesucristo: Hebr. 4,14

Oracion: Mi ta cuminda bo Maria, yen di gracia. Señor ta cu bo. Bo ta bendiciona den tur muhenan. Y fruta di bo bariga Hesus ta bendiciona. Santa Maria, mama di Dios, pidi pa nos pecador. Awor y na ora di nos morto. Amen.

Grupo Centro Pastoral

ESTILO *Salud ★ Moda ★ Beyesa*

Recomendacionnan di specialistanan pa alivia kimamento di stoma

Despues di un come un cuminda delicioso y sigur come di mas, of come algo hopi pisa anochi laat, hopi hende ta sufri di e sensacion incomodo di kimamento di stoma. E molester aki, bastante comun den bida diario, ta hiba hende na busca solucionnan rapido cu remedinan sin recept.

Sinembargo, Mayo Clinic ta sugeri un enfoko diferente, riba prevencion y alivio di sintomanan a traves di cambianan sostenibel den costumernan diario, evitando asina dependencia di remedi. Hopi biaha kimamento di stoma ta sosode despues di cuminda pisa, hopi vet, rapido of desbalansa y ta manifesta como un sensacion di kimamento den pecho cu por yegha te na garganta. Esaki ta afecta considerablemente e calidad di bida di esnan cu ta sufri di esaki. Segun specialistanan di e institucion



aki por reduci e frecuencia y intensidad di episodionan significativamente, yudando bo mantene control di sintoma.

2. Ahusta bo costumernan despues di come
Cambiano bo costumernan despues di come ta esencial pa evita stoma anochi. Specialistanan ta insisti riba e importancia di warda por lo menos tres ora despues di come anochi prome cu bay

fluho y kimamento di stoma. Adopta un dieta balansa, haci actividadnan fisico regular, y controla fluctuacionnan di peso no solamente ta mehora salud general pero tambe ta reduci episodionan di kimamento di stoma significativamente. Asta baha un cantidad chikito di peso por haci un diferencia pa esnan cu frecuentemente ta sufri di e condicion aki.

5. Maneha stress y ansiedad
Maneho emocional ta clave, ya cu stress y ansiedad por exacerba stoma. Tecnicanan manera halamento di rosea profundo, meditacion, relajacion muscular progresivo, y imagennan guia ta hermentnan util. E Clinica Mayo ta recomenda pa consulta un profesional tocante terapianan complementario, manera terapia cognitivo-comportacional of disciplinanan manera yoga, cu ta yuda maneja e impacto emocional di sintomanan digestivo.

6. Limita tabaco y alcohol
Finalmente, Clinica Mayo ta enfatisa e importancia di reduci of elimina consumo di tabaco y alcohol. Tur dos custumber ta irita e esofago, ta baha e efectividad di e sphincter di esofago mas abao, y ta promove refluo. Stop di huma y modera e consumo di alcohol, ademas di contribui na bienestar digestivo, tin un impacto hopi positivo riba salud en general.

Adoptando e cambianan aki—ahusta bo dieta, modifica bo rutinanan despues di come, maneja stress y cuida bo estilo di bida—ta permiti maneho efectivo di acido stoma, minimalisa e necesidad pa remedi y mehora bienestar diario.

Si e sintomanan persisti of empeora, ta esencial pa consulta un profesional medico pa un evaluacion corecto y



Mericano, hopi episodio por wordo preveni y controla door di cambia comportacion y rutinanan diario.

Esakinan ta e shete strategianan recomenda pa Mayo Clinic pa preveni y controla stoma sin remedi:

1. Identifica y evita cuminda cu ta causa kimamento di stoma

Un di e prome pasonan mas recomendabel pa ta identifica y restringi cuminda cu tin e tendencia di causa kimamento di stoma. Entre esnan mas problematico, e Clinica Mayo ta muestra riba cuminda vet of hasa, saus di tomati, chuculati, menta, conoflok, ciboyo y bebidanan cu cafeina.

Ta recomendabel pa haci nota di loke bo ta come y asina identifica cua di nan ta causa mas molester y evita nan especificamente. Reduccion di bo consumo di e cuminda

drumi. Esaki ta permiti e stoma digeri gran parti di su contenido, reduciendo e riesgo di refluo. Tambe ta util pa come porcionnan mas chikito y kauw poco poco pa facilita digestion y evita di sobrecarga e sistema digestivo.

3. Bisti paña mas los
Loke bo ta bisti tambe ta hunga un rol importante. Paña preta, faha, of paña cu ta comprimi e barica por aumenta presion riba e stoma y causa cu e acido subi den e esofago.

Pesey, ta recomendabel pa bisti paña los y comodo, specialmente despues di come, pa mantene comodidad digestivo y reduci e riesgo di molester.

4. Mantene un peso saludabel

Peso di mas ta pone presion adicional riba e barica, aumentando e riesgo di re-

RECETA

SHRIMP STIR FRY



Ingrediente

1 copi di chicken stock	bo gusto
1 cuchara reduced-sodium soy sauce	3 cuchara di sesame oil
1 cuchara cornstarch (maizena)	1 (16 ons) paki berdura congela pa stir-fry (of bo berduranan preferi)
1 cuchara conoflok mula	20 shrimp mediano curu, sin casca y limpi
salo y black pepper na	ciboyo chines

Preparacion

Prepara tur ingrediente. Whisk e chicken stock, sous di soya, maizena y conoflok den un comchi; sasona cu salo y pepper. Keinta sesame oil den wok riba candela mediano-halto; cushina y mescla e berdura den zeta cayente te ora nan bira suave, mas o menos 4 minut. Agrega e shrimps y cushina esaki te ora nan bira roos, mas o menos 3 minut.

Agrega e mescla di chicken stock den e shrimps y sigui cushina y draai e shrimps y berduranan te ora e saus bira diki, pa mas o menos 5 minut mas. Agrega e ciboyo chines y mescla un biaha mas. Sirbi esaki cu aros of mihoen



The Eighth
Continent, INC.
Import & Export



Arendstraat 103 Oranjestad Aruba P.O. Box 440, Aruba
Tel: (297) 582-1304, Fax: (297) 583-5083
Website: www.tecaruba.com



RESULTADO DI SORTEONAN PA CORTESIA DI CADENA ALEXANDER

DIARIO																					
7469 9339 5765	9545 8263 2518	<table><tr><th>MERDIA</th><th>ANOCHI</th></tr><tr><td>1681</td><td>0957</td></tr><tr><td>6158</td><td>5362</td></tr><tr><td>1221</td><td>7429</td></tr><tr><th colspan="2">MULTI- X</th></tr><tr><td>FP</td><td>X2</td></tr></table>	MERDIA	ANOCHI	1681	0957	6158	5362	1221	7429	MULTI- X		FP	X2	<table><tr><th>MERDIA</th><td>4779</td></tr><tr><td>ARIES</td></tr><tr><th>ANOCHI</th><td>6396</td></tr><tr><td>GEMINIS</td></tr></table>	MERDIA	4779	ARIES	ANOCHI	6396	GEMINIS
MERDIA	ANOCHI																				
1681	0957																				
6158	5362																				
1221	7429																				
MULTI- X																					
FP	X2																				
MERDIA	4779																				
ARIES																					
ANOCHI	6396																				
GEMINIS																					
																					
<table><tr><th>MERDIA</th><th>ANOCHI</th></tr><tr><td>8433</td><td>0675</td></tr></table>	MERDIA	ANOCHI	8433	0675	<table><tr><th>MERDIA</th><th>ANOCHI</th></tr><tr><td>457</td><td>760</td></tr><tr><td>X2</td><td>X5</td></tr></table>	MERDIA	ANOCHI	457	760	X2	X5	<table><tr><th>MERDIA</th><th>ANOCHI</th></tr><tr><td>6712</td><td>9968</td></tr><tr><td>X5</td><td>X2</td></tr></table>	MERDIA	ANOCHI	6712	9968	X5	X2	0995		
MERDIA	ANOCHI																				
8433	0675																				
MERDIA	ANOCHI																				
457	760																				
X2	X5																				
MERDIA	ANOCHI																				
6712	9968																				
X5	X2																				
 01-12-15-23-29																					

BUSCA PALABRA

E	B	A	D	A	I	S	V	I	A	I	I	O	R
N	R	E	B	O	T	C	O	E	R	O	O	R	A
A	S	O	S	S	O	B	R	E	V	I	V	I	D
R	M	T	M	R	O	C	O	E	T	A	C	E	I
B	A	C	S	O	V	I	S	A	V	N	I	O	O
I	M	A	V	A	A	M	S	N	R	E	L	H	T
O	O	N	O	I	O	R	O	C	I	S	O	C	E
P	G	C	S	E	R	I	I	A	E	C	O	E	R
S	R	E	A	R	C	O	C	V	I	S	R	P	A
I	A	R	A	A	S	R	A	P	S	R	N	I	P
A	M	P	I	O	O	N	C	O	L	O	G	O	I
A	P	D	R	E	I	R	O	O	E	V	O	R	A
T	A	I	P	A	R	E	T	O	M	E	H	C	R
R	A	S	M	E	T	A	S	T	A	S	I	S	E

October
Cancer
Pecho

Mamogram
Biopsia
Radioterapia

Chemoterapia
Metastasis
Oncologo

Radiacion
Invasivo
Sobrevivi

> SUDOKU <

Conceptis Sudoku

By Dave Green

8	6						9	5
3		2	9		8	6		7
				6				
	4		7		3		5	
		5				3		
	1		4		6		8	
				9				
2		4	1		5	9		3
1	8						2	4

Difficulty Level ★ 6/07

Bisti bo Seatbelt

Auto a dal palo di luz cortando coriente


ORANJESTAD (AAN): Tabata Dialuna mainta poco despues di 9:00 am, cu un accident a keda registra na altura di Macuarima 147-B na Santa Cruz.

Aki chauffeur di un auto sedan a perde control riba su stuur, y debi na esey a baha di caminda y dal violentamente contra palo di luz net dilanti Neii's Kitchen.

E palo di luz a scheur completamente, pues personal di NV Elmar a yega y a tuma decision cu tin di bay haci reparacion urgente.

Pues nan mester a kita coriente cu ta cubri area di Macuarima, Jamanota, Warawara y vecindario pa haci trabao. E trabaoonan a start pa

Tubo cu a lek a laga hopi cas sin awa den Noord



ORANJESTAD (AAN): Un situacion difcil a presenta su mes Dialuna mainta trempan alrededor di 9:00 am, ora cu varios cas y negoshi den area di Palm Beach, Kamay, y Saliña Cerca a keda sin awa ta sali for di tubo.

Yamadanan a drenta na WEB Aruba NV, cu mesora a laga techniconan subi riba caya. A bin haya sa tambe unda e fuente di problema ta, y a resulta cu tubo grandi a

lek awa.

Na prome instante personal di WEB a calcula cu lo bay dura 3 pa 4 ora pa haci e reparacion aki, como cu tin di bay busca ekipo pa coba den tera, y demas material pa haci reparacion.

Pero e reparacion a dura mas cu a calcula debi na cierto contratiempo. Esaki a pone cu ainda banda di 4:00 pm, habitantenan no a ricibi presion di awa bek ta sali for di nan tubo.



9:52 am, y no obstante e 12:12 pm, a duna tur cas y calor, a labora rapido y ya pa negoshi coriente bek.

EMERGENCIA NA ARUBA

Diamars 7 October 2025

DOCTER NA WARDA


SAN NICOLAS:
Pa San Nicolas, Docter lo ta na H.A.P. ImSan.
Docter tey for di 6'or di anochi te 10'or di anochi.

ORANJESTAD:
Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.

BOTICA NA WARDA

PARIBA DI BRUG:
Botica 4 Centro Medico
Bernhardstraat 55
Telefon 584-5794
Telefon: 584-5798

PABAO DI BRUG:
Botica Eagle
Caya Punta Brabo 17
Telefon 587-9011



Hari Un Tiki


Un muhe a puntra su casa:
- "Dushi si un Leon ataca ami y mi mama, cua di nos dos bo lo rescata prome?"
E casa mesora a contesta:
- "Dimes, e Leon".

Solucion Anterior

7	8	5	1	2	4	9	6	3
2	1	4	6	9	3	5	7	8
9	6	3	8	7	5	1	2	4
5	4	9	3	8	2	6	1	7
1	3	8	9	6	7	2	4	5
6	7	2	5	4	1	8	3	9
3	9	1	7	5	6	4	8	2
4	5	6	2	3	8	7	9	1
8	2	7	4	1	9	3	5	6

Difficulty Level ★★★★★ 6/06

Loke Tempo ta Mustra....



•• Un Ola Tropical yegando den region, lo bay trece algo di humedad proximo dianan, durante cu e ta move bay west. Pesey por spera algun awacero breve na cierto parti di Aruba, y nan lo ta local y pasahero.

•• Biento di pariba y modera entre 12 y 30 km/h, durante dia cu rafaga te 39 km/h. Lama ta modera cu olanan entre 3 y 6 pia.

DEPORTE INTERNACIONAL

Lo evalua Morant cada siman despues cu el a lesiona enkel



MEMPHIS: Strea di Memphis Grizzlies Ja Morant lo wordo evalua cada siman, despues cu el a lesiona su enkel durante entrenamiento Diadomingo, e vocero di e ekipo Damichael Cole di The Commercial Appeal a duna di conoce.

Grizzlies lo cuminsa temporada nobo di NBA cu un wega contra New Orleans Pelicans dia 22 di October.

Memphis tin un total di 5 wega di pre temporada prome cu comienso di temporada.

Lesionnan ta un preocupacion pa Grizzlies na caminda pa comienso di temporada di 2025-2026.

Jaren Jackson Jr. ainda ta pafu di accion cu un lesion na su dede di pia.

Brandon Clarke y Zach Edey tambe ta riba e lista di esnan lesiona pa algun siman caba.

Temporada pasa den 50 aparicion, Morant tabata tin un average di 23.2 punto, 7.3 asistencia y 4.1 rebounds pa wega.

UEFA cu un tiki dolor ta permiti 2 wega di liga di Europa Miami



EUROPA: UEFA cu un tiki dolor a permiti pa dos wega di liganan di Europa tuma lugar pafu di Europa.

Ta trata di e wega di La Liga di Spaña entre FC Barcelona y Villarreal cu lo wordo hunga na Miami y e wega di Serie A di Italia entre AC Milan y Como cu lo wordo hunga na Australia.

E federacion Europeo di futbol den

un comunicado riba nan website a ripiti cu nan ta contra pa hunga weganan di liganan nacional na otro pais.

E reglanan mundial sinembargo no ta claro y detaya suficiente pa rechasa e petitionnan haci pa hunga e weganan aki den exterior,

segun UEFA.

“Apesar di e hecho cu ta lamentable cu nos mester a permiti e weganan aki, e decision aki ta unico y no mester wordo considera como un precedente”, segun presidente di UEFA, Aleksander Ceferin den un comunicado.

Patriots a duna Bills nan prome derota di temporada



BUFFALO: Diadomingo anochi Buffalo Bills hungando na cas tabata kier a sigui invicto e temporada aki, pero New England Patriots tabata tin otro pensamentonan.

Nan quarterback nobato Drake Maye a hunga un tremendo wega cu algun hopi bon hugada y na final Patriots a logra gana Bills 23-20.

Maye a completa 22 di su 30 pasenan, pa un total di 273 yarda.


El a wordo basha abao 4 biaha.

Rhamondre Stevenson a contribui, coriendo 7 biaha cu e bala y anotando 2 touchdown.

Di otro banda, quarterback di Buffalo Josh Allen a completa 22 di su 31 pasenan, pa un total di 253 yarda y 2 touchdown.

El a wordo intercepta 1 biaha y basha abao 1 biaha.

Paspoort di Memphis Depay a wordo horta y e lo perde e wega di Hulanda contra Malta



HULANDA: Memphis Depay na un momento mas laat di uni su mes na e seleccion Hulandes di futbol.

E paspoort di e maximo anotador di historia di Hulanda a wordo horta y esey a pone cu e no por a subi su buelo Diadomingo anochi for di Brazil. Esaki KNVB a duna di conoce.

“Esaki ta fastioso na prome lugar pa Memphis, pero tambe pa nos”, coach di e seleccion Hulandes Ronald Koeman a skirbi en un comunicado di prensa di KNVB.

“Naturalmente bo kier cuminsa bo periodo di weganan internacional cu un seleccion completo, pero na mes momento no tin mucho cu nos por haci”, segun Koeman.

E seleccion Oranje cu ta consisti di 24 hungador, a bin hunto Dialuna na Zeist.

Koeman eynan a splica cu sin paspoort mes Depay a bay aeropuerto pa gara e buelo, pero douane no a permitie pa e pasa.



Noticianan for di Hulanda

Curpa sin bida haya den cas na Terneuzen, despues di posibel delito serio di violencia



Specialistanan di e asina yama Forensische Opsporing a bay Terneuzen pa yuda cu e investigacion, cu mester determina sigur si un crimen a tuma lugar.

Polis no a comparti mucho mas informacion. “En todo cas un curpa sin bida a wordo haya den e cas y esey ta pone cu detayadamente nos tin cu investiga si por papia di un crimen of no”. Tur posibilidad ta keda habri, polis a duna di conoce.

TERNEUZEN: Servicionan di emergencia a presenta na Terneuzen despues cu un delito serio di violencia a sosode den un cas den Vincent van Goghstraat. A descubri e curpa sin bida di un persona den e cas, polis a skirbi riba X.


Ex tocador di baho di banda Waylon y Kane a haya su guitarra horta bek despues di 13 año



AMSTERDAM: Despues di 13 año y via un tremendo accion ‘undercover’, Ivo Severijns, conoci como tocador di baho di entre otro The Wild Romance, Kane y Waylon, a haya su guitarra baho bek. E guitarra geel di e marca Fender a wordo horta na 2012 durante e evento Vrienden van Amstel. Severijns a cay riba pista di e guitarra door di un amigo, el a conta riba Instagram. “Amigo John van der Wolf desde cu e baho a wordo horta a sigui buske sin stop”, segun Severi-

jns. Te cu e siman cu a pasa, ora cu Van der Wolf a wak cu un persona a ofrece e baho na benta y a traha un cita. Pa haya e guitarra bek Severijns a tuma contacto cu polis. Dos agente policial a dicidi di bay na e bendedor di e guitarra den un auto comun. Na dado momento e persona cu tabata bende e guitarra horta a purba scapa for di polis. Severijns a dreña cas di e persona y a haya su guitarra, mientras cu polis a detene e persona.

Homber di 40 año deteni pa morto di muher di 62 año na Heerlen



HEERLEN: Un homber di Heerlen di 40 año a wordo deteni pa su envolvimento den morto di un muher di 62 año, cu Diadomingo anochi a wordo haya morto den su cas na Heerlen. E victima di 62 año a wordo haya den un cas den Klompstraat. Un vocero policial ta bisa cu agentenan policial a bay na e sitio despues di ricibi un melding y eyan nan a

topa cue curpa sin bida. A purba di reanima e muher, pero esaki tabata envano. E vocero policial no kier a bisa ta kende a haci e melding. E habitante di Heerlen di 40 año Diadomingo mainta 04:00 a wordo deteni en su cas y awor e ta den cel cera na warda di polis. E investigacion den e caso ta sigui.

Homber a salba mucha muher di 3 año despues cu vehiculo di su mama a cay den canal di awa



AMSTERDAM: Dialuna na Amsterdam un accion robes di parkeer casi a resulta di ta fatal pa un mama di 37 año y su yiu muher di 3 año. Ora cu e muher a bay staciona su vehiculo di marca Biro, el a haci algo robes y a auto a cay den e canal di awa yama Herengracht.

Tijn Nieuwenhuizen cu a wak local a sosode a actua mesora. E homber di 30 año a bula den awa ora cu e mama so a yega na superficie. Tijn a bay bao di awa pa saca e mucha for di e canal y den su di tres intento el a gara e paña di e mucha y a ranke sake for di awa.

SUPER CARD SUPER DEALS



COMFORT
CLASS

IMAX

VIP

Monday
Thursday

8.00^{AWG}

10.00^{AWG}

11.00^{AWG}

Friday
Sunday

9.00^{AWG}

11.00^{AWG}

12.00^{AWG}

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**

Erwin Lopez, Director di EPB Oranjestad:

Lansamento oficial di Fix-it Papiamento na EPB

ORANJESTAD (AAN): Scol Educacion Profesional Basico (EPB) a logra un momento historico pa enseñansa na Aruba den nos era di innovacion. EPB a introduci Fix-it Papiamento, un metodo completamente nobo, digital, interactivo y moderno den nos idioma materno, Papiamento.

Papiamento ta e unico vak cu no tawata existi den un formato digital te awor. Segun señor Erwin Lopez, Director di EPB Oranjestad, te awor tawata uza e buki di les Cristal na Papiamento, cu ya ta hopi bieu.

Señor Lopez a enfatisa cu, mescos cu e otro vaknan, e



muchanan ta haya e metodo aki via nan laptop. Hunto cu un compania di Hulanda, a traha e plataforma digital aki for di scratch, algo cu sigur ta representa un desaroyo hopi

importante pa enseñansa na Aruba. Ademas, señor Lopez a bisa cu e metodo aki por wordo uza den tur scol secundario na Aruba.

Señor Lopez a agrega cu e



intencion ta pa habri tambe opleidingnan nobo cu e meta pa crea oportunidadnan pa mas mucha cu tin dificultad cu Hulandes, pa nan por siña den Papiamento, progresa

den nan educacion y eventualmente sigui pa Enseñansa pa Empleo. Asina nan por obtene mas diploma y drenta mas facil den e mercado laboral.

Noticia Internacional

Bebidanan alcoholico adultera na Brazil: dos morto y 200 caso bao di investigacion



Cu mas cu 200 caso ainda bao di investigacion nacional, dos morto confirma, y por lo menos shete morto sospechoso, e emergencia di metanol na Brasil ta sigui crece. Tur e victiman inconscientemente a ingeri bebidanan alcoholico, manera e famoso caipirinha, un di e simbolonan di e pais, adultera cu e substancia aki, venenoso pa hende y comunmente uza den produccion di verf y solvente.

Si e wordo ingeri, metanol

ta metabolisa den componentenan toxico manera formaldehido y acido formico, cu por causa morto. E sintomanan principal ta cu e bista ta bira wazig of scur, y por causa cu e victima por bira ciego, e tambe ta causa nausea, sacamento, dolor di barica y sodo excesivo.

Den e casonan mas severo, a raporta daño irreversible na e riñon y cerebro, cu por conduci na morto. Esaki ta un crisis di salud publico hopi serio centra den e

ciudad di São Paulo, pero cu casonan raporta den por lo menos shete estado, for di noordoost di e pais na Pernambuco y Bahia, te na e Distrito Federal, unda e capital, Brasilia, ta situa, te na Minas Gerais y Mato Grosso do Sul, y pa zuid na Parana.

Mientrastanto, Anvisa, e Agencia di Vigilancia di Salud di Brazil, a tuma contacto urgentemente cu instancianan regulatorio den varios pais, incluyendo Merca, Union Europeo, Reino Uni, Hapon y Argentina. E meta ta pa sigura e disponibilidad mas pronto posibel di fomepizole, un antidoto pa intoxicacion cu metanol cu no ta disponibel na Brasil pasobra nunca el a wordo registra, ya cu no a haya caso notable, cu excepcion di uno na 1999 den cual 35 persona a fayece den e estado di Bahia.

Na mes momento, e instancia a emiti un yamada internacional pa identifica fabricantenan y distribuidornan capaz di suministra e remedi inmediatamente na Ministerio di Salud, respondiendo asina na un peticion urgente di Gobierno.

Minister di Salubridad Alexandre Padilha a recomenda pa e poblacion evita di consumi bebida alcoholico destila. “Den mi calidad como minister y dokter, e recomendacion ta pa evita di consumi productonan destila, specialmente esnan sin color, di cual nan origen no ta conoci. Nos no ta papianando di un producto esencial pa bida di hende. E no ta forma ningun problema pa bida di ningun hende pa evita su consumo”, e minister a declara.

Trump ta anuncia cu e tarifa di 25% riba truck importa



WASHINGTON: Entrante 1 di november, Merca lo impone 25% di tarifa riba tur truck mediano y pisa importa, presidente di Merca Donald Trump a anuncia dialuna, un medida cu lo afecta Mexico particularmente.

Trump a haci e anuncio den un mensahe publica riba su plataforma di medionan social, Truth Social, den cual e no a ofrece mas detaye.

Siman pasa, Trump a mensahe di impone un tarifa

di 25% riba trucknan pisa, aunke e mandatario a indica cu e impuesto lo dreña na vigor dia 1 di october, un fecha limite cu a pasacaba.

“Di e manera aki, nos gran fabricantenan di truck, manera Peterbilt, Kenworth, Freightliner, Mack Trucks, y otro, lo ta proteha,” Trump a splica den su prome anuncio, agregando cu e medida tabata necesario pa “propositonan di seguridad nacional.”

INTERNACIONAL NOTICIA FOR DI COLOMBIA

ATAKE FATAL DI E.L.N. RIBA UN BASE MILITAR

ARAUCA: Un soldat morto y siete mas herida, ta loke un atake cu explosivo riba un base militar na Puerto Jordan, na departamento di Arauca, na parti pariba di Colombia a produci. E acto aki ta un atake cu a wordo haci door di gueriyeronan di Ejercito de Liberacion Nacional



(ELN). Militarnan mesora a confirma cu ta ELN a ehecuta e atake na Puerto Jordan, y a bisa cu siete militar a resulta herida, di cual uno di nan ta basta grave, y uno a fayece. Esnan herida a wordo hiba cu urgencia pa e capital Arauca. E atake a wordo haci cu boternan cilinderyena cu explosivo. Esaki ta e mesun base militar cu a wordo ataca na September 2024 door di ELN, y e tempo ey ta dos soldat a muri, y 27 a keda herida. E tempo aya, president Gustavo Petro a compara e atentado ey cu esun cu a socede dilanti e Scol di Polis na Bogota, cu na Januari 2019 a laga 20 morto y 68 herido, entre nan un cadet di Ecuador, y e tempo ey a pone un fin na e dialogo di paz cu gobierno Colombiano tabatin cu e grupo di gueriero aki.

NEGOCIANDO CU MADURO PA LIBERA DETENIDOS

BOGOTA: Despues di varios luna cu no tin informacion di e Colombianonan cu ta deteni riba teritorio di



Venezuela, den fin di siman a haya sa di Cancilleria Colombiano, cu nan ta den negociacion diplomatico cu regimen di Nicolas Maduro pa logra nan libertad.

Ministro di Relacionnan Exteriores, Rosa Villavicencio a indica cu Gobierno di Gustavo Petro ainda no ta reconoce e legalidad di e resultado electoral di eleccion venezolano na 2024. Pero toch ta hibando contact cu e regimen pa logra libertad pa e Colombianonan cu na forma arbitrario ta deteni na Venezuela. “Venezuela a negocia cu Merca y a libera seis persona. Pues awor nos ta den e negociacionnan diplomatico aki pa asina libera e Colombianonan,” el a bisa. Tin indicacion cu Cancilleria ta buscando libertad pa por lo menos 40 Colombiano cu ta deteni na Venezuela pa motibonan politico of di forma arbitrario. Colombia recien a tene reunion cu tur famia di esnan deteni, y nan ta haciendo nan best pa por logra cu e detenidonan aki ta haya un proceso legal husto di acuerdo cu e derecho humanitario internacional.

BUSKEDA GRANDI PA DAMA HOBEN PERDI

MEDELLIN: No ta djis autoridad na Medellin, pero awor famianan mes a start un buskeda grandi pa nan por



haya bek nan yiu María Camila Arango Albán di 23 aña, desde cu el a desaparece for di mapa riba Diasabra 27 di September na pueblo di Bello na Medellin. Despues cu nan tin mas di un siman sin sa di su paradero, nan a cuminsa reparti panfleta y pasa hopi noticia di dje rond di e ciudad. Maria Camila a wordo mira ultimo biaha bisti cu jeans blauw, blusa blanco, sweater preto, y un tas roos, segun su famia a indica. Su cuero ta blanco, delega, estatura halto, cu cabey cortico, y tin lunar visibel na su cara, y un tattoo riba su braza. El a sali di su cas, y no a regresa.

Noticia Internacional

INTERNACIONAL

NOTICIA FOR DI VENEZUELA

CANDELA A DESTRUI MISA EVANGELISTA

PUNTO FIJO: Tanto Polis y Bombero a mobiliza Diadomingo mainta cu urgencia pa un Misa Evangelista na e area central di Punto Fijo, como cu e tabata na candela. Ora cu a yega a bin topa cu candela grandi, unda cu vlamnan tabata sali for di dak. No tabatin ningun hende mas paden, y e trabao di controla y despues paga e candela a sigui sin problema. Bomberonan a bin deduci, cu un vehiculo Van cu tabata staciona den parkinglot hopi cerca di e edificio, a cumenza kima. E vlamnan di e vehiculo a yega y pasa pa e edificio cu tin parti di su dak ainda riba e vehiculo. Di e forma ey e candela a plama y asina a cumenza kima e estructura di e centro religioso.



CORIENTE A FLUCTUA ROND DI HENTER E PAIS

MARACAIBO: Un biaha mas estado Zulia, cu den pasado tabata e area cu coriente di mas stabil rond di Venezuela, a pasa den situacion caminda voltahe di electricidad a cumenza fluctua masha mahos mes. Hendenan na careda pa core paga e.o. nan frishider y modem di internet, pa evita cu e aparatonan aki ta kima. E fluctuacion intenso di coriente a wordo detecta tambe door di ciudadanonan na estado Merida, estado Tachira, y estado Falcon cu na final a ripara cu coriente a cay completo afo. Esaki a socede Diadomingo merdia banda di 12:40 pm. E fluctuacion a wordo sinti tambe na capital Caracas, y estado Miranda, estado Portuguesa, estado Aragua, y estado Monagas. Na Caracas tin algun sector caminda coriente a bay full tambe, esta na El Cafetal y San Roman. Tin indicacion cu na Maturin, e fayó a start ya for di banda di 12:24 pm. Na Valencia y Naguanagua a sinti fluctuacion mahos tambe. Na Maracay banda di 12:45 pm a sinti fluctuacion, y diripiente e coriente di 120 Volt a subi y casi yega 150 Volt. A sinti esaki tambe na Isla de Margarita.

MADURO NUNCA LO TA ESCLAVO DI IMPERIO

CARACAS: President Nicolas Maduro di Venezuela a declara y insisti cu Venezuela nunca lo hinca rudia dilanti e imperio di Merca, ni na ningun otro, "ni maske cuanto poder nan tin". El a bolbe elabora riba e decision inmediato di e pais pa defende su soberania, dignidad, y proyecto patriótico dilanti loke e ta describi di ta "e menazanan di supremacismo y e locura guererista" di potencianan stranhero. Den e sentido aki, e hefe di estado a bisa cu pa Venezuela e dilema no ta "Patria o Muerte", pero e independencia, libertad, y e bida soberano ta principianan cu no por negocia cu ne. "Independencia no tin alternativa, dignidad y bida soberano no tin alternativa" el a insisti. El a rechaza cualkier modelo cu ta implica cu nan tin di baha cabez pa potencianan stranhero. "Venezuela hamas lo humilia su mes dilanti ningun imperio". El a keha tambe riba e cosntant campa?ña di mal-informacion y manipulacion contra Venezuela for di centronan di poder internacional, uzando e palabra 'fake news'.



Sebastien Lecornu a renuncia como Prome Minister di Francia

Prome Minister di Francia, Sebastien Lecornu, a entrega e renuncia di su gobierno na presidente Emmanuel Macron dialuna, apenas algun ora despues di su anuncio di gabinete, den un cambio nobo y sin precedente den e crisis politico di e pais.

Den un comunicado breve, Palacio di Elysee a indica cu Macron a acepta e renuncia di Lecornu. E ministernan interino a cancela nan agenda di dialuna, pendiente e consecuenan di e situacion nobo aki.

E renuncia a tuma lugar apenas 13 ora despues cu Macron a anuncia e formacion di un gobierno cu Lecornu tabata trahando riba dje desde su nombramento dia 9 di september, despues di e caida di su predecesor, François Bayrao, e dia prome debi na un



voto di desconfianza cu el a entrega na parlamento.

Tras di e renuncia aki tin presion di un di e miembronan di gabinete, e partido republicano conservador. Su lider, Bruno Retailleau, a expresa su malcontento cu e composicion di e gobierno y a yama un reunion di su partido pa dicidi si e ta bandona e poder ehecutivo. Si a hiba esaki, e menasa lo a haci e continuacion di Lecornu imposibel, mirando cu e no tabatin un

mayoria parlamentario.

Francia actualmente tin un debe publico record, cu un ratio di debe-GDP cu ta e di tres mas halto den Union Europeo, tras di solamente Grecia y Italia.

E pais ta den un impasse politico desde cu Macron a opta pa eleccionnan parlamentario anticipa aña pasa pa fortalece su autoridad, un strategia cu a fracasa y a laga su bloke den un minoria den e Asamblea.

Por lo menos 20 herida den un tiramento na Australia

**Sospechoso a wordo aresta pa polis*



Por lo menos 20 persona a resulta herida, un di nan gravemente, den un tiramento na Sydney, Polis di New South Wales a informa dialuna. E agresor sospechoso, un homber di 60 aña identifica como Artemios Mintzas, a wordo

deteni y no tin ningun vinculo aparente cu actividadnan terrorista.

E tiramento a tuma lugar diadomingo anochi na Croydon Park, un suburbio west di e ciudad Australiano, na unda Mintzas a habri candela cu un rifle

riba vehiculonan y peatonnan. Ta calcula cu el a los entre 50 y 100 tiro den mas o menos dos ora.

Un homber ta interna den hospital y su "condicion ta grave" pa un herida di bala, mientras cu diesnuebe otro persona a sufrir lesionnan leve, segun polis. Un intercambio di tiro a tuma lugar entre e supuesto agresor y polis prome cu su captura, cu a sosode menos di dos ora despues di e tironan inicial.

Comisario suplente interino Trent King a yama e atake "sin precedente na Sydney, cu un cantidad asina grandi di tironan," y a bisa cu nan tabatin suerte cu no tin mas morto.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Hesus a bisa:

"Ami ta resurreccion y e bida;
esun cu kere den Mi lo biba, maske e
muri.

Y tur esnan cu ta biba y ta kere den
Mi lo no muri nunca mas.
Bo ta kere esaki?"

Juan 11: 25-26



Cu profundo agradecimento, amor y
respet,
nos ta honra e bida di nos mama,
wela, bisawela, tatarawela y ruman.
Un hende muhe fuerte kende a sa di
persevera den bida, y cu awo ta
disfruta den e presencia di nos Señor.

Nos ta anuncia e transformacion di morto pa bida eterno di

Sra. Martilia Loopstok

Cariñosamente yama Tila, Mami, Oma, Grandma
***23-06-1936 - †26-09-2025**

Na number di su:

Mayornan:

†Encarnacion (Chongo) y †Dorothea (Thea) Loopstok-Lampe

Yiunan:

†Flora Rozenberg

Edwin y Rita Rozenberg-Cornes

Elsa y Robert van Ham

Freddy Rozenberg

Calisia y Norman Benjamin

Amayra Boekhoudt

Vilma y David Paesch

Shirley y †Roberto Peterson

Mickel Boekhoudt

Gwendolyn y Edgard Croes

Jenny Boekhoudt

Tata di su yiunan: †Domico Rozenberg y †Miguel B. Boekhoudt

Nieto(a)nan: Kendra Rozenberg, Thais Rozenberg, Ethleena Rozenberg, Marousha Rozenberg, Kaithlyn Rozenberg, Dervin y Dayenne Rozenberg-Valdink, Kathy y Arturo Irausquin-Mackintosh, Jennifer Rozenberg, Yannick Benjamin, Elisha y Elton Blanco, Priscilla Benjamin, Kimberly Boekhoudt, Amylenne Paesch, Ishbert Paesch, †Daseleenne Paesch, Rishel y Ena Sokol-Paesch, Joyrick Peterson, Davidlee Boekhoudt, Amber Boekhoudt

Arthur y Emily Arends, Abigayle y Andriu Vasquez, Edward Everon y Andreina Croes, Jogard Everon, Jennisa Eckmeyer y Gabriel Zambrano

Bisanieto(a)nan: Rijender Rozenberg, Thajaylee Thielman, Nigen Servani y Dennely Franken, Rayenne Servani y Joël Delgado, Rayveline Servani, Djimon, Rozenberg, Daxton Rozenberg, Jershawn Irausquin, Xedella Irausquin, Damaris y Imru Maduro-Roga, Yoennis Diaz Marin, Jaymuel Rozenberg, Amalia Blanco, Luka Blanco, Daseleenne Paesch, Ishbertsun Paesch, Cataleya Paesch, Mike-Elliott Paesch, Julius Paesch, Adrian Paesch, Daniël Boekhoudt, Amelia Arends, André Vasquez, Aedan Zambrano

Tataranieto: Jaël Delgado

Rumannan:

†Roman y Sira Loopstok y famia, Juan Loopstok y famia, †Ramiro y Greta Loopstok y famia, †Raymundo y Mina Loopstok y famia, Felepina Loopstok y famia, †Angelica Lacle y famia, Flora y Alicia Croes y famia, Helena Loopstok y famia, Sunilda y †Jose Carrasquero y famia, Rafael y Anne Loopstok y famia, Roberto Loopstok y Luz Eugenio y famia

Tur omo y tantanan den feliz memoria y nan famia.

Tur sobrino(a)nan, primo(a)nan, comer y compenar, amigo(a)nan, bisiña, conociman y demas famia: Loopstok, Lampe, Rozenberg, Boekhoudt, Van Ham, Cornes, Benjamin, Paesch, Peterson, Croes, Irausquin, Blanco, Arends, Vasquez, Eckmeyer, Thielman, Roga, Diaz Marin, Servani, Zambrano, Brown, Albertus, Fabus, Luidens, Limonier, Erasmus, Dubero, Vrolijk, Irwin, Hewitt, Banfield y demas famia na Aruba, Hulanda, USA, Bonaire.

Tin oportunidad pa condolencia diahuebs, 9 di oktober 2025 di 7:00pm pa 9:00pm na Aurora Funeral Home

E acto di entierro ta tuma luga diabierna, 10 di oktober 2025 di 9:00am pa 11:00am na Aurora Funeral Home, despues ta sali pa santana catolico na Paradera.

Nos disculpa si por a lubida un of otro famia.

Despues di entierro no ta ricibi bishita di condolencia na cas.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Abo ku ta biba bou di amparo di Altísimo, ta hospedá den sombra di Dios omnipotente, bisa SEÑOR: 'Mi refugio, mi fòrti, mi Dios, den kende mi ta pone mi konfiansa!'
Salmo 91:1-2

懷著極深的悲痛，我們宣布我們敬愛的父親鍾金和先生於2025年10月2日安詳離世。

我們會深深懷念他。願他安息。

Cu hopi tristesa den nos curason nos ta anuncia cu nos ser stima a fayece dia 2 di October 2025. E tabata un persona amabel, un yiu orguyoso, un esposo dedica, un tata responsabel, un welo amoroso y un bisawelo tremendo.

Su presensia lo ta masha falta. Cu sosega na paz

Kam Wo Chung

Mihor conoci como:
"Foh Shuk"

***21 Maart 1937**

† 2 Oktober 2025



Su casa stima:

Choi Hi Tse

Yiunan:

Chi Wai Chung y Li Gun Xie

Tung Yi "Tony" Chung y Chui Ling "Crystal" Leung

Choi Ping "Theresa" Chung y Ken Kwok

Nieto y Nietanan:

Lai Pin Barrera Chung y Fraymar Barrera

Sed Yee Chung

Deric Budwin Kwok

Deryl Pakho Kwok

Sharon Hoi Yan Chung

Brian Chak Ho Chung

Veronique Yan Tone Chung

Jessica Manyee Kwok

Benny Ching Ho Chung

Bob Chun Ho Chung

Ayson Lam Hei Chung

Bisanieto y Bisanietanan:

Arthur Barrera

Felicity Barrera

Rumannan:

†Yun Jin Zhong y famia

†Gui Di Zhong y famia

Y su sobrino y sobrina nan bibando na New York y China

Demas famia, amigonan, conociman, bisiñanan y colega nan na Aruba, Merca, China y Hong Kong.

Nos ta pidi disculpa si den nos tristesa nos a lubida di menciona.

Un gradicimento grandi na doctor di cas Dr. Joaquin van Trigt, Cardiologo Dr. Casper Lacle y Dr. Robert Dennert. Claudia, Eduar y Andrea pa e cuidado di nos tata durante su ultimo tempo nan na cas.

Acto di entierro lo tuma lugar na Aurora Funeral Home diabierna 10 October 2025, di 2or te 4or di atardi, despues saliendo pa Santana Sabana Basora.

喪禮定於2025年10月10日 (星期五) 假 Aurora 殯儀館設靈, 下午二至四時供親友弔唁,

隨後出殯安葬于Sabana Basora 墓園。

Pa chica Pos - Habi tubería y wc.
Servicio lihe y confiablel.
 Experiencia ta manda
CICLONE
 Septic Tank Service
Tel: 564-0607 / 734-0607

CONSTRUCCION REMODELACION
 Nos ta traha y drecha tur sorto di dak: shingle, eterniet, panchi, zink. Pega bloki, tegels, plafond, pleister, pone porta, lanta cura, basha vloer, construccion di cas y apto bon prijs. Free quotation.
Tel: 561-2137

Servicio di Hardineria
 Chapi, corta mata grandi y chiquito y nos ta hiba sushi na Ecotech. Servicio anytime. Tel: 593-8852

TA CHAPI
 tira sushi afo y transporte.
Cel: 594-5115.

TA FURA
ELMA UPHOLSTERY
 Matras, box busca mainta y haye atardi! Set di sala, tv chair, sienta auto.
Tel: 565-5577
Macapruimstraat # 1L

SEÑORA TA OFRECE
 Pa drecha paña, cortina, cusinchi, pa stoel y sofa. Tur tipo di costura. Por pasa busca na cas tambe. Tel: 660-7571

SUSHI
 Nos ta lanta sushi di cura lage limpi limpi mane un soño. Pa solamente 50,- y Ecotech ta apart. Yama nos na 592-5766 of 561-5179 Arubiano trahado.

NOS TA CUMPRO
 Holoshi bieuw y nobo di bon marca y cualkier producto antiquo. Tel: 641-4814 / 748-7012

ASSOCIATED REALTORS
 TA BENDE
 Parti di un cas tipo duplex na Sabana Liber Villas di 2 camber y 1 baño, tereno propiedad di 197 m² y pa Afl.275.000,00 (prijs fijo y cash deal via notario.) Yama Mito na 593-6318

ASSOCIATED REALTORS
 TA BENDE
 Un cas di 4 camber y 1.5 baño mas un apto na Rooi Kochi, construi 208 m², tereno propiedad di 986 m² y pa Afl.650.000,- Yama Mito na 593-6318

DIARIO
 Pa noticia, cumpleaños, comentario, redaccion: noticia@diario.aw
Tel: 582-6747

Como director di WGK na 2012:

Gino Goeloe a adverti con casnan priva pa cuida di nos grandinan tabata lantando cabes y no tur lo cumpli cu exigencianan



ORANJESTAD (AAN) Parlamentario di Fraccion di Futuro, señor Gino Goeloe, den entrevista cu Matutino DIARIO a comenta (como ex-director di Wit Gele Kruis) cu el a señalá e problema cu casnan di cuida pa nos grandinan, di indole priva. Desde año 2012 el a sali afo bisando cu e casnan priva tabata lantando cabes, y el a bay den media bisa esaki y e riesgonan cu por tabatin.

“E tempo ey tabata tin dos cas di cuida so aworaki tin diescuatro, unda cu hopi hende ta trahando, ta habriendo casnan di cuida

ASSOCIATED REALTORS
 CAS PA BENDE?
 Bo tin pensa di bende bo cas? Anto laga nos atende cu tur e tramitanan di benta via notario. Yama Mito na 593-6318 pa un presentacion.

priva, y cu no ta personan educa den enfermeria. Tambe e trato cu e grandinan tabata haya den e casnan ey no ta esun cu ami, como director di WGK e tempo ey, tabata acepta. P’esey mi a bay den media y papia e asunto aki y a papia den e caso aki cu ex-minister Alex Schwengle, ken a tuma esaki hopi na serio, y el a bin cu e Ley Zorginstelling na 2015, cu a pasa den Parlamento e tempo ey, y aworaki pa bo habri un cas priva bo mester bay DVG y na DVG tin un verklaring di vergunning, prome bo habri un cas”, Goeloe a menciona.

Mester cumpli cu varios criterio prome cu habri cas di cuida priva, manera cu mester tin enfermera cu diploma, tambe mester cum-

pli cu e parti di higiene, tambe cu e parti di brand, pasobra Brandweer tambe ta bin controla e casnan actual. Parlamentario Goeloe a reitera cu den e caso aki tin e Ley y e tempo di Minister Schwengle el a percura pa bin cu IVA tambe (Inspeccion di Salud Publico) pa controla e casnan aki, y no pa casnan di cuida priva so, pero tur instancia cu ta duna cuida di nos grandinan: Kiermen, Hospital, ImSan, dentista, docternan di cas, etc.

Aurora
Royal Pray
 Funeral Home & Crematory

Cumana # 76 & # 44
 van Speyckstraat # 1
 Oranjestad, Aruba
 T.: (297) 588-6699
 E.: info@aurorafuneralaruba.com

Señor ta mi wardado, mi'n tin falta di nada. Den cunucu di yerba berde E ta pone mi sosega. E ta hibami na awa trankil, Pa mi bolbe haña forsa". Salmo 23

Cu dolor na nos curason, nos ta participa fayecimento di nos ser stima,

**Sra. Henrica (Ica)
 Federica
 Ramones-Vargas
 Tromp**

*05 mei 1949
 †02 oktober 2025

Acto di entierro lo wordo anuncia despues.



Aurora
Royal Pray
 Funeral Home & Crematory

Cumana # 76 & # 44
 van Speyckstraat # 1
 Oranjestad, Aruba
 T.: (297) 588-6699
 E.: info@aurorafuneralaruba.com

Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forsa". Salmo: 23

Cu dolor na nos curason, nos ta participa fayecimento di nos ser stima

**Helenus
 Koolman-Wernet**

"Machi / Nena"

Augustus 18, 1934
 October 5, 2025

Acto di entierro lo wordo anuncia despues.



Nature's Embrace

Sept 1st till Sept 30th

**25% OFF YOUR
INTEREST RATE
ON ALL PLANS**

PLUS

FREE DELIVERY
FOR CREDIT CUSTOMERS

LIMITED TIME

VISIT US TODAY.

HOME & NATURE

SHOP NOW
PAY LATER

OPENING HOURS:
MONDAY TO SATURDAY
9AM - 6PM

AMC UNICON MEGASTORE
L.G. SMITH BLVD 144 ORANJESTAD

TEL: 521-1188  567-6569
WWW.HOMEADNNATUREARUBA.COM



Parlamentario Jennifer Arends-Reyes
**Maestro ta esencial pa
progreso di nos pais y
merece atencion**

ORANJESTAD (AAN) - Diadomingo ultimo, 5 di october a celebra Dia Mundial di Maestro; momento pa gradici tur maestro cu ta contribui den progreso di enseñansa. Alabes un momento pa reflexiona riba e impacto profundo cu maestronan tin riba e formacion di e futuro generacion. Aruba no ta diferente. E rol di e maestro ta vital den comunidad—nan ta mas cu un fuente di enseñansa, nan ta guia, inspiracion y sosten pa hobennan cu ta crece den un mundo dinamico. Tema pa e aña aki, “E maestronan cu nos mester: pa e educacion cu nos kier,” ta pone enfasis riba e necesidad di sosten pa maestronan den tur aspecto—motivacion, profesional y personal. Den un epoca cu retonan ta grandi, desde tecnologia te problemanan social, nos maestronan mester tur e apoyo pa por



sigui motiva y inspira nos muchanan y studiantenan. “Aruba mester pone enfoke riba desaroyo continuo di docentenan via formacion den servicio y traha riba mehora e bienestar di e profesion. Promove un ambiente laboral cu ta stimula y ta husto pa tur grupo di maestro, ta fundamental pa retene y sostene nos maestronan,” Sra. Arends-Reyes ta termina bisando.

Aruba ta briya na UNESCO MONDIACULT 2025

ORANJESTAD (AAN): Aruba a tuma parti den UNESCO MONDIACULT 2025, e conferencia mundial mas grandi riba cultura, cu mas di 160 pais presente.

E delegacion di Aruba tabata dirigi pa Michael Lampe, Diplomático Cultural y Lider di Delegacion, acompaña pa Liesje Proveyer di Departamento di Cultura Aruba (DCA) como representante di hubentud, y Ray-Anne Hernandez di UNESCO Aruba National Commission. E tema principal di MONDIACULT 2025 ta cla: cultura mester wordo trata como un pilar fundamental pa desaroyo sostenibel, igual cu educacion y salud. Palabra di Lider di Delegacion, Michael Lampe “Mi ta sumamente orguyoso di e delegacion di



Aruba na MONDIACULT 2025. Nos hunto a demostra cu cultura ta e fundeshi di nos identidad y futuro. Aruba por ta chikito, pero ora nos uni nos bosnan y experticio nos por pone Aruba su voz resona fuerte den mundo.”